

Aruba Birdlife Conservation Crisis di awa di riool na Bubali: Un yamado pa restauracion



Pagina 6

- **Diversificacion economico ta keda un ambicion central di reforma na Aruba**

Pagina 2

- **Awe tardi ta trata caso di Mike de Meza contra Ministerio Publico**

Pagina 3

- **3 fayecido den e prome tiroteo masal riba Islanan Turks y Caicos**


Pagina 10

Miembronan di Tweede Kamer tin pregunta tocante tankernan cu banderanan falso di Aruba, Corsou of Sint Maarten



Pagina 4

Hulanda:
Gabinete ta aumenta presion riba Israel y ta considera medidanan nacional



Pagina 9

Tailandia y Cambodia ta acepta alto-al-fuego “incondicional”



Pagina 23

Diversificacion economico ta keda un ambicion central di reforma na Aruba

Recuperacion economico di Aruba ta avansando cautelosamente despues di e crisis di Covid-19, pero toch ta keda vulnerable pa shock externo, desbalansa structural, y fragmentacion institucional. Den e contexto aki, Capitulo 8 di e rapport di implementacion di reforma den contexto di e Landspakket cu Aruba a acorda cu Hulanda ta pone un ruta pa reforsa e fundeshi economico door di mehora formulacion di politica economico, reforsa condicion di inversion y diversifica e base economico.

E metanan ta ambicioso: reduci dependencia riba turismo, stimula productividad den sector priva, y construi un ambiente di politica cu ta fomenta crecimiento inclusivo y sostenible.

E periodo di reportahe di april – september 2025 ta refleha un mescla di progreso den planificacion y trabaonan di preparacion, pero tambe ta revela inercia den ehecucion y atrasonan notable den implementacion, similar na otro sectornan evalua den e rapport.

Falta di ehecucion

Na nivel di politica, Aruba a haci algun progreso den delinea su vision economico, notablemente mediante e nota actualisa di politica economico. E documento aki ta destina pa sirbi como un compas pa intervencionnan economico na nivel di gobierno. Mientras e nota di politica a keda finalisa y comparti cu stakeholdernan, ainda e ta pendiente pa adopcion den Consejo di Minister. Sin e sosten politico aki, su operacionalisacion y integracion den ciclonan mas amplio di planificacion ta keda limita.

E documento ta delinea obhetivonan a largo plaso rond di resiliencia economico, diversificacion y transformacion digital. Sinembargo, e plan di implementacion cu mester traduci e politica aki den accion concreto ainda ta den su fase inicial di preparacion. Ademá, e pronostico economico multianual cu mester sostene pronostico y planificacion a base di escenario ainda no a keda desaroya, limitando e capacidad di Aruba pa gobernacion cu mira pa futuro.

Un logro notable ta e co-

mienso di un auditoria di data pa estadistica economico. E auditoria aki, lidera pa Bureau Central di Estadistica (CBS) tin como meta pa evalua e disponibilidad, confiabilidad y oportunidad di data necesario pa formulacion di politica economico. Ta spera cu e auditoria ta bay identifica gap y propone medida di modernisacion, cu ta urgentemente necesario pa guia intervencion basa riba evidencia. Sinembargo, resultadonan ta pendiente, y accionnan di seguimiento ainda no a cuminsa.

Ambicion ta topa cu bottleneck

Mehoracion di e clima di negoshi na Aruba ta keda un prioridad top den e agenda di reforma, ya cu peso administrativo halto y marconan regulatorio anticua pa largo ta bareranan pa inversion. Un componente central di e esfuerso aki ta e roadmap Doing Business, cu ta delinea reforma den areanan manera lanta un negoshi, registra propiedad, paga impuesto y obtene permiso.

Durante e periodo di e rapport, Aruba a finalisa un set di evaluacionnan base riba procesonan administrativo actual y barera di negoshi. Esakinan a inclui analisis di bottleneck, estudionan di mocion di tempo, y revisionnan legislativo. Sinembargo, traduci e diagnostico aki den reforma legislativo y procedura simplifica a proba di ta mas dificil. A pesar cu algun reforma piloto a keda proponi – manera digitalisacion di registro di negoshi of simplificacion di entrega di documento di belasting – mayoria ta den etapa preparatorio. E hopi-anticipa Strategia Nacional pa Desaroyo di Sector Priva tambe a enfrenta atraso. Mientras cu conceptualmente e ta vincula na e nota mas amplio di politica economico, e strategia ainda mester keda prepara formalmente, discuti, of adopta. Sin e marco aki di guia, reforma di clima di negoshi ta core riesgo di ta fragmenta y sin suficiente recurso.

Den e area di infraestructura digital, Aruba a desaroya un plan di maneho pa transformacion digital, cu meta di integra ICT den planificacion economico, entrega di servicio y simplificacion administrativo. E plan a keda completa e semester aki y awo ta pendiente di alocacion

di presupuesto y implementacion. Si e keda ehecuta, e por sirbi como un catalista pa reforma mas amplio, pero te cu e periodo reporta, progreso tangible ta limita.

Diversificacion y innovacion

Diversificacion economico ta otro ambicion central di e plan di reforma economico di Aruba. E dependencia pisa di nos isla riba turismo ta lag'e vulnerable pa shocknan internacional, manera a keda den evidencia durante e pandemia. Den respuesta, gobierno tin como meta stimula crecimiento den sectornan manera industria creativo, logistica, agricultura y servicio digital.


Te awo, Aruba a completa scan di sector identificando areanan prometededor pa inversion, specialmente den logistica y agro-tech. E scannan aki a involucra participacion di stakeholder cu negoshi, camara di comercio y expertonan regional. Sinembargo, stapnan concreto di seguimiento – manera incentivo, programa di construccion di capacidad, or marco di inversion publico-priva – ainda no a materialisa.

Un stap positivo ta e preparacion di un politica di innovacion y startup. E politica aki ta bay enfoca riba crea un ecosistema di sosten pa entrepreneur, incluyendo acceso na finanzas, mentoría, y regulacion simplifica. Ministerio di Asunto Economico a cuminsa prepara e politica cu input di incubadornan local y conseheronan internacional, maske entrega formal y aprobacion ainda ta pendiente.

Ademá, Aruba ta explorando oportunidad pa usa fondonan di desaroyo di Union Europeo y na nivel di Reino pa innovacion di sector. Sinembargo, no entrega ningun aplicacion formal of propuesta di proyecto durante periodo den e rapport. Esaki ta refleha limitacion den capacidad administrativo y falta di claridad den e alineacion entre prioridadnan nacional y criterio pa eligibilidad pa fondo.

Coordinacion ministerial

Un tema recurente den Capitulo 8 di e rapport di implementacion ta e necesidad pa mehoracion institucional y miho coordinacion entre ministerionan. Varios componente di reforma – manera



mehoracion na clima di inversion, politica di innovacion y programanan di diversificacion – ta involucra multiple entidad incluyendo Asunto Economico, Finanzas, Planificacion Teritorial, y Departamento di Legislacion. Coordinacion ta keda ad hoc, y mecanismonan di responsabilidad comparti ainda ta deficiente.

Un area di friccion ta e division di responsabilidad tocante procesonan di permiso, unda competencianan cu ta toca mas cu un ministerio y agencia ta causa atraso y guia inconsistente na inversionista. Mientras cu a propone un task force inter-ministerial pa simplifica e procesonan aki, ainda no a keda lansa formalmente.

E Plataforma di Coordinacion di Politica Economico, cu tabata destina pa reuni cada kwartaal pa alinea strategia y cronograma di implementacion, a reuni apenas un solo biaha durante e periodo den e rapport. Como resultado, varios linea di politica – manera e agenda di economia digital y reforma regulatorio – ta progresando den paralel en bes di den sineriga.

Reforma pendiente y riesgo

Pa fin di september 2025, varios logro a keda pendiente, incluyendo e aprobacion final y lansamento di e Nota di Politica Economico; finalisacion di plan di implementacion; finalisacion di Strategia di Desaroyo di Sector Priva; adopcion formal di plan di transformacion digital; actualisacion di legislacion pa reforma di Doing Business; ehecucion di programanan di diversificacion.

E efecto cumulativo di e atrasonan aki ta riesga un atraso den e recuperacion mas amplio di Aruba y e agenda di

reforma. Sin un marco di implementacion coherente y cu recurso, hasta e miho intencion di politica por keda sin genera impacto economico real.

Ademá, un falta di data economico robusto – particularmente metrica di prestacion sectoral real-time – ta continua afectando monitoreo efectivo. Aruba ta keda dependiente riba encuesta periodico y colecta manual di data, cu ta limita agilidad den responde na tendencia economico.

Momento critico pa implementacion

E trayectoria di reforma economico di Aruba ta muestra cu tin un vision cla y a tuma stap importante pa defini e direccion di maneho. Di prepara un nota di politica economico te e analisis di bottleneck den haci negoshi y oportunidadnan di diversificacion sectoral, e trabao di fundeshi ya ta casi completo. Loke ta necesario awo ta e cambio di planificacion pa implementacion.

Acelera implementacion – specialmente den area di prioridad manera clima di inversion, infraestructura digital y desaroyo di sector – ta bay ta crucial pa logra resiliencia y crecimiento sostenible. Haci esaki ta bay rekeri no solo compromiso politico y fondo, pero tambe coordinacion mas fuerte, capacidad administrativo, y herment di data.

Aruba ta para na un punto critico. E componente pa reforma ta disponible, pero ainda mester ehecuta. Cu alineacion strategico, participacion di stakeholder y un enfoca riba ehecucion, e isla por realisa su potencial economico necesario pa consturí un economia mas inclusivo, dinamico y resiliente pa shock.

Awe tardi ta tuma luga tratamento di caso di apelacion di Mike de Meza contra Ministerio Publico

Manera ta conoci e trayecto di proceso di screening di candidato pa minister Mike de Meza a ser alarga pa motibo di diferente contratiempo cu a pone un impasse den e nominacion di De Meza, cual ainda e candidato pa minister y su ekipo legal ta luchando pa resolve. Awe de Meza hunto cu su ekipo legal, lidera pa abogado Desiree Croes, lo ta den corte un biaha mas pa tratamento di apelacion contra Minister Publico (OM).

Dia 17 di juli ultimo hues a entrega su decision relaciona cu peticionnan cu de Meza a entrega na Corte den Prome Instancia. E peticion di e ex-minister, ken actualmente ta den nominacion pa bira minister den e gabinete nobo di AVP-FUTURO, ta pidi pa clarificacion tocante e tipo y e motibo di e acusacionnan cu Ministerio Publico (OM) tin contra dje. Ademá, de Meza a pidi OM pa tuma un decision si ta persigue of no prome cu 15 di augustus 2025.

Den su decision hues a splica cu OM a cumpli cu e decision di Corte di 25 di juni 2025, door di informa Mike de Meza riba e mesun dia ey cu e ta sospechoso den un investigacion cu tin andando y a pon'e na haltura di e articulo den ley riba cual e sospecho contra dje ta basa. Tambe hues a rechasa e peticion pa OM duna contesta prome cu 15 di augustus to-



cante un posible persecucion. Segun hues, e peticion aki ta di considera prematuro.

E trayecto largo a cuminsa durante e proceso di screening inicial di candidatonan pa minister na momento cu Departamento di Impuesto a indica den luna di april cu De Meza tabatin problemanan pendiente cu impuesto vincula na un compania di cual antes de Meza tabata propietario, cu, maske inactivo pa años, ta parece di a laga asunto sin resolve.

De Meza a pidi hues pa entrega un orden hudicial na

director di DIMP pa saca un declaracion favorable tocante su comportamiento fiscal. Manera a reporta e tempo ey, Hof a yega na e conclusion cu e no tin e competencia pa haci un decision tocante e apelacion cu a ser presenta. Esaki ta pasobra dilanti di Hof segun e Lar, apelacion por solamente ser presenta contra decisionnan den e sentido di e Landsverordening administratieve rechtspraak (Lar).

Segun Hof e cartanan di e director di DIMP contra cual de Meza a presenta e recurso y apelacion, no ta decisionnan cu por ser apela. Eseyan

ta cartanan di caracter factual y informativo, y no ta dirigi na ningun efecto legal, ni tampoco ta dirigi na e efecto legal si de Meza por of no por bira minister.

Luna pasa a bira conoci cu DIMP a entrega un caso penal contra de Meza, tocante cual OM inicialmente no a duna clarificacion na Sr. de Meza. Pa e motibo aki, de Meza a entrega peticion na corte contra OM. Segun de Meza, den su mesun declaracion, el a tende di formador cu OM a mark'e como sospechoso den e caso entrega pa DIMP. El a pidi hues pa duna ordo na e instancia pa clarifica e tipo y motibo di e sospecho contra dje. Den un decision emiti dia 25 di juni, hues a afirma su opinion cu ciudadanonan cu ta marca como sospechoso tin derecho pa sa pakico nan ta sospechoso y ki tipo di investigacion ta tumando luga contra nan. Sinembargo, esaki ta solamente si e persona envolvi ser oficialmente deteni, interroga of invita pa interrogacion. Den e caso di de Meza, esaki no a sucede. Hues a splica e tempo ey cu OM no a emiti un declaracion oficial den cual a marca de Meza como sospechoso, pues nan no ta obliga ainda di duna e tipo y motibo di e sospecho contra dje.

Na otro banda, hues a reconoce e naturalesa precario di e caso aki, unda por papia di circunstancianan excepcional

y peso—ya cu de Meza ta nomina como minister—cual lo por existi pa accelera e clarificacion. Pues hues a dicidi cu OM tin dos siman tempo pa duna un clarificacion na de Meza si e ta sospechoso den un investigacion y e articulo den ley pa cual e ta sospechoso.

E decision aki no tabata satisfactorio pa e nominado di partido AVP, pa cual motibo el a entrega otro caso den cual el a pidi hues pa obliga OM califica e tipo y motibo di acusacionnan contra dje, cual hues a rechasa.

Relaciona cu e tratamiento di apelacion, segun un portal di noticia local, abogado di de Meza, Desiree Croes a indica cu tin dos punto den e caso di apelacion. Primeramente nan ta pidi pa OM informa exactamente kico ta e acusacion(nan) cu tin contra de Meza, y no simplemente e articulo den ley pa cual e ta sospechoso. E otro punto den e caso di apelacion ta cu de Meza y su ekipo ta pidi pa duna un fecha pa dicidi si tin suficiente prueba pa persigue.

E hues cu a rechasa e peticionnan mas recien di de Meza ta mesun hues cu a tuma decision prome biaha, pues segun abogado Croes ta logico cu e hues lo no a cambia su decision.

Den e tratamiento di caso di apelacion tin tres diferente hues cu lo evalua si e decision di e hues den prome instancia tabata corecto.

E meta principal di e casonan cu de Meza ta trece dilanti pa ta trece un resolucion definitivo den e henter e situacion alrededor di su nominacion pa minister pa e por hura como e si siete minister di Gabinete AVP-FUTURO. Mientras tanto gobierno a nombra Sr. Gervais “Baba” Rene Herdê como minister temporal cu lo tuma cartera di Infraestructura, Energia y Telecomunicacion—originalmente reserva pa de Meza. Prome cu e nombramento di Herdê, dr. mr. Arthur Dowers tabata encarga cu e carteranan aki.

E tratamiento di caso di apelacion di de Meza ta tuma luga pa 2or di atardi tras di porta cera.



Miembronan di Tweede Kamer ta puntra gobierno Hulandes tocante tankernan cu banderanan falso di Aruba, Corsou of Sint Maarten pa evita sancionnan

Recientemente e website investigativo Follow the Money a publica un articulo den cual ta indica cu segun un investigacion parti Caribense di Reino ta fungi como base pa tanker cu petroleo di Rusia y Iran. Relaciona cu esaki miembronan di Tweede Kamer Jan Paternotte (D66) y Derk Boswijk (CDA) a manda algun pregunta na e Minister di Asuntonan di Hulanda, Caspar Veldkamp y e Secretario di Estado di Asuntonan di Interior y Relacionnan den Reino, Eddie van Marum.

Segun e articulo autoridadnan occidental ta hayando dificil pa evita efectivamente exportacion di petroleo di Rusia y Iran. Mediante un “flota scondi” di tanker, ambos pais ta evadiendo sancionnan internacional – hopi biaha literalmente door di nabega bao bandera falso. E investigacion di Follow the Money ta revela cu Hulanda ta para na banda sin por haci nada mientras alrededor di 90 tanker ta bula falsamente e bandera di Aruba, Corsou of Sint Maarten – paisnan parti di Reino Hulandes, pero sin nan propio registro oficial di barco.

E miembronan di Tweede Kamer, Paternotte y Boswijk a puntra e Minister y Secretario di Estado primeramente si nan ta na altura di e articulo caminda ta ser describi cu decenas di tankers di e flota Ruso ta nabega bou di bandera di Aruba, Corsou of Sint Maarten, y con nan ta evalua e hecho cu e paisnan Caribense den Reino Hulandes ta ser usa pa transporta petroleo Ruso bou di bandera falso y asina evita sancionnan internacional.

E parlamentarionan a puntra tambe si nan [Minister Veldkamp y Secretario di Estado van Marum] ta di acuerdo cu e situacion aki ta causa dañonan serio na e imagen y credibilidad di Reino y ki medida nan ta considera pa combati esaki.

Paternotte y Boswijk a puntra si e Minister y Secretario di Estado ta di acuerdo cu evadi sancionnan via registro marítimo Caribense ta inaceptabel, ta yuda paisnan manera Rusia y Iran y ta mina e regimen di sancionnan interna-

cional.

E miembronan di Tweede Kamer ta puntra Minister Veldkamp y Secretario di Estado van Marum si den nan opinion, tin suficiente visibilidad den Hulanda y e otro paisnan den Reino riba e cantidad di barconan cu bandera Caribense cu ta registra actualmente y ta transporta petroleo pa Rusia of Iran.

E parlamentarionan a puntra tambe ki pasonan e Gabinete a tuma desde e introduccion di e sancionnan di Union Europeo (EU) pa preveni cu barconan cu ta drenta cu un bandera di un di e paisnan di e Reino ta ser usa pa e “flota scondi” di Rusia, y ki medidanan adicional Hulanda ta tuma hunto cu Aruba, Corsou y Sint Maarten pa sigura control mas estricto riba registro di barconan y cumplimiento di sancionnan internacional.

Den e articulo Paul Ellinger di e inspectorado di barco na Sint Maarten ta indica cu “cos a bira hopi malo” y cu “awor nan ta registrando barconan completo: tanker di petroleo, barco di carga”, pues tur tipo di barco.

Den e articulo ta menciona tambe cu Ellinger ta enfrentando cada bes mas pregunta di autoridadnan internacional. Su oficina ta ricibi reportahenan tocante tankernan supuestamente registra na Sint Maarten, mientras su isla no tin manera pa emiti documentonan asina.

Relaciona na esaki, e parlamentarionan Paternotte y Boswijk ta remarca cu teniendo na consideracion cu e gobierno di Sint Maarten ta indica cu nan no tin capacidad pa haci investigacion riba barconan afo di nan awa teritorial y cu e risiconan cu e “flota scondi” Ruso ta sigui existi, nan ta puntra kico ta e plan di Hulanda pa duna sosten na e otro paisnan den Reino, y si nan ta dispuesto pa wak tambe riba posibilidad di forma of fortifica un registro marítimo propio cu miho supervision.

E miembronan di Tweede Kamer a puntra tambe si Hulanda tin posibilidad legal pa inspecciona, detene of anula e registro di barconan cu ta nabega bou di bandera di Aruba, Corsou of Sint Maarten cu ta



evadi sancionnan.

Por ultimo, e parlamentarionan a indica cu teniendo na consideracion cu segun e articulo, companianan marítimo Occidental a bende barconan bieu na partinan dudoso cu eventualmente a bira parti di e “flota scondi”, nan ta puntra ki posibilidad gobierno ta mira pa mehora monitoreo y regula e benta di barconan bieu na paisnan tercero.

Maske Sint Maarten, Aruba y Corsou no por emiti registro legal di barco, al menos nobenta tanker di petroleo y gas actualmente ta bula bao nan bandera. Esaki ta registracionnan falso, yudando fuel un red masivo y ilegal di contrabando. Aproximadamente tres cuarta parti (73 di e 92 barco identifica) ta transportando petroleo di Iran of Rusia. Casi mita (39) ya ta riba lista di sancion Occidental.

Cada cargamento ta bal decenas di miyones di dollar, y segun Departamento di Tesoro Mericano, e placa hopi biaha ta yega gruponan manera Hezbollah, e Guardia Revolucionario Irani, e rebeldenan Houthi na Yemen, y hasta e mashin di guerra Ruso.

Pasobra e islanan di Caribe en cuestion ta parti di Reino Hulandes, e operacion aki cu bandera falso ta mancha e reputacion internacional di Hulanda, a pesar cu e gobiernonan no tin control riba e barconan aki.

Barconan sin registro valido y sin bandera reconoci ta efectivamente sin estado. Esaki ta nifica cu no por sigura nan, nan ta opera sin supervision marítimo, no ta suheto na inspeccion di seguridad, y ta presenta un riesgo ambiental y di seguridad.

En efecto, esakinan ta bom



flotante. Desde 2012 (Iran) y 2022 (Rusia), mientras sancionnan a bira mas fuerte, contrabandistanan a cuminsa usa “bandera di conveniencia” emiti pa estadonan cu aplicacion marítimo debil – manera Gabon, Palau y Togo. Mientras cu e paisnan aki ta rekeri pa check cumplimiento, aplicacion ta poco exigente. Loke ta nobo y alarmante ta e cambio na pais of teritorio manera Sint Maarten, cu absolutamente no tin registro di barco. Toch tanker ta nabega cu documento bisando cu nan ta registra eynan.

Na april 2024, Hulanda a adverti IMO tocante certificadonan fraudulentu cu ta bisa di bin for di Sint Maarten. Na januari 2025, explicitamente a nombra MSTA. Pero e advertencia a yega mucho laat: ya pa e tempo ey, MSTA a expande den registro di tanker.

Ministerio di Infraestructura Hulandes ta admiti cu nan no sa cuanto documento falso ta existi, y nan no tabata na altura cu mayoria di e tanker involucra ta pertenece na e flota scondi cu ta evadiendo sancion.

“Tur teritorio di Reino ta cada bes mas plaga pa certificado falso,” segun un vocero di e ministerio.

Di su banda, IMO ta bisa cu e paisnan mes mester tuma accion. Pero experto Ian Ralby ta critica IMO pa no tin blacklist of whitelist, cu ta hacie mas dificil pa detecta fraude.

Paul Ellinger di Sint Maarten ta bisa cu decenas di marinier estafa pa MSTA (Maritime Safety & Technical Administration) a acerca nan pa ayudo. “Esaki ta dañando e nomber di nos pais. Y ya cu nos ta parti di Reino Hulandes, ta mancha henter e Reino.”

Experto di ley marítimo, Frank Stevens di Universidad Erasmus ta di acuerdo. “Esaki por bira un problema mayor pa gobierno Hulandes. Estadonan bandera legitimo no kier estafadornan bendiendo nan bandera.”

Pero e ministerio Hulandes ta keda relativamente sin preocupacion. “E hecho cu nos ta reportando fraude activamente ta mehora nos reputacion den e sector aki.”

Nan tambe ta insisti cu e responsabilidad di cumplimiento ta cay riba Sint Maarten mes – un posicion reta pa e isla, cu ta bisa cu no tin capacidad pa investiga crimen fuera di su fronteranan.

Editor

Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #13307728

Operations Manager

Mariette Engelhart-Boekhoudt

Redaccion

noticia@bondia.com

Pilar Flores (hefe di redaccion)
Angenette Figueero (closer editor)

Leo Maduro
Dilma Arends
Raisa Montilla
Oriana Geerman

Ehecutivo di Benta

Sulaika Croes
sulaika.croes@cspnv.com
Mark Gomes
mark.gomes@cspnv.com

Aviso y Arte

Sandra Loefstop

Lisa Tromp

Departamento Digital

Juan Luis Pinto

Administracion
accounting@bondia.com

Martha Arteta de Ariza

Distribucion

Jenny Kelly

Coleccion

Evelinda de Cuba - Tromp

Pre Press

Luis Fernando Arenas (Hefe)
Pablo Libre

Press

Roland Schenker (Hefe)
Omar Ramirez
Martin Boekhoudt
Francis Dirksz

Colaboracion

Associated Press
Ret Karibense

Data Key

Afiliacion

Sociedad Interamerica
di Prensa (SIP)

DIRECCION

Adres: Weststraat #22
Tel: 582-7800
Email: noticia@bondia.com
aviso@bondia.com
info@bondia.com
Website: www.bondia.com
Facebook: @bondianoticia
Instagram: bondiaaruba

BON DIA ARUBA ta un corant
redacta y imprimi na Aruba y ta
obenibel di dialuna te cu diasabra.
Ningun contenido por wordo reproduci
sin permiso di editor.



Editorial

Bira ministro no ta... *Mustra mas facil...*

E novela di e candidato pa ministro den e partido mayor di e coalicion no a caba ainda; e capitulo nobo t'ey caba. E ministro nombra aparentemente no ta haci loke e parlamentario candidato ministerial ta desea. Y e menazanan di bandona partido ta parce di haya forza atrobe. Tranquilidad den e partido por lo pronto no lo tin, si sigui asina. Pero tur e problemanan aki nan por a anticipa. Den algun comentario anterior nos a adverti caba pa e definicion di e ministro nombra como un ministro 'temporal' ya cu oficialmente nos no conoce esey; bo ta ministro y responsable pa bo maneho. Claro cu e parlamentario ta trata di cuminsa goberna caba mientras e no ta ministro ainda, y talvez nunca lo bira tampoco, pero e lo a sirbi su propio causa mihor si el a haci su trabao di 'consehero' di forma discreto. Aki nos a toca un punto delicado, unda a ricibi critica fuerte di oposicion den parlamento, mostrando riba e separacion di poder ehecutivo y legislativo den constitucion, cu no lo ta permiti e parlamentario conseha e ministro. Esaki merece algun splicacion pasobra tin forma di conseho cu por, y otro cu no. Constitucion ta stipula cu un ministro no por ta alavez parlamentario, salvo un tempo cortico cu nos ta mira regularmente den cambio di gobierno, despues di eleccion. Tambe den e reglanan pa parlamentario ta bisa cu nan no por ta ministro, tampoco ambtenaar activo. E ultimo aki ta implica cu bo no por ta trahando como empleado publico bao autoridad ministerial mientras bo ta parlamentario. Pero, esaki ta significa cu no por tin comunicacion entre un parlamentario y un ministro? Sigur cu si, henter dia y anochi si nan ta desea, basta esey no ta den un relacion di autoridad. Na tur parti di mundo parlamentario ta tene nan comunicacion cu un mandatario discreto, pa motibo obvio. No asina na Aruba, unda un candidato pa ministro ta expresa su frustracion pasobra supuestamente e ministro, segun e 'temporal' no ta haci loke e ta bisa y loke nan lo a palabra. Aki ta unda e candidato ta sigui dafia pa su mes pasobra aki si e asunto ta cuminsa toca bo posicion como parlamentario. Si bo no tin efecto cu bo conseho discreto, anto bo lo mester asumi bo responsabilidad como parlamentario y haci pregunta na e ministro. Loke bo no por haci ta exige cu e mester haci algo como ministro pasobra lo a palabra esey como bo 'reemplazante temporal'. E no ta esey, e ta ministro den tur sentido di palabra. E responsabilidad pa e cartera ta trece cune tambe cu tur accion tuma como ministro, tambe decision tuma pa e ministro di husticia, cu si temporalmente a carga e responsabilidad, ta awor pa e ministro asumi. Esaki ta conta por ehemplo pa

e situacion, bao di critica parlamentario caba, na e empresanan di utilidad, unda nombramento di miembronan nobo den nan dirigencia por duna problema, si en berdad no tabatin consulta y aprobacion di e prestamistanan cu tin acuerdo contractual pa esaki.

En todo caso, ta parce cu e candidato pa ministro no ta keda cu tanto arma pa forza su caso, pasobra hasta si e gana e bataya den e partido, esey no ta garantiza cu e por bira ministro. Pa cuminsa e mester kita e estado actual di sospechoso den un investigacion penal, pa despues su partido acepta su candidatura y propone efectivamente como ministro. E asunto no a caba ey, pasobra manera sa ignora hopi den e asunto aki, e decision final no ta na Aruba. Tur ministro ta ministro di Rey, no di Gobernador, cu tur respet. Ta pesey nos ta anticipa cu finalmente e candidato no lo ta candidato mas, y lo keda cu e opcion di bandona e partido y bay sinta na otro banda den sala di Staten. Pero, si e ta carga ilusion cu otro di su partido lo sigui su ehemplo di bandona partido, nos lo bisa 'hay que ver para creer'. Muy probablemente e lo mester bay trata di realiza su plannan pa e carteranan cu el a aspira di haya, for di parlamento. Pa esey e tin tur instrumento cu su 20 coleganantambe tin.

Pa bolbe na e asunto di e nombramentonan dudoso na e empresanan estatal di utilidad; nos ta mira critica severo y den cierto sentido hustifica di e partido grandi den oposicion. Aki por constata cu loke ta haci falta ta e ley di good corporate governance cu por tabata vigente caba. Pero ta ken tabata den gobierno desde 2017 te recientemente, no ta exactamente esunnan cu ta protesta awor contra maneho empresarial dudoso? Nan tabatin e tarea pa pasa e ley ey, cu tabata un necesidad grandi, mirando nan propio propaganda continuo cu palabra grandi manera 'transparencia' y 'bon gobernacion'. Tabata nan mes tambe cu a haci bon uso di e falta di regla di bon administracion empresarial, tempo cu mester a reemplaza gerencia di WEB Aruba NV, pa por pasa e contrato cu Eagle LNG, cu despues a muri un morto silencioso... Pues bin keha awor cu no tin legislacion debido ta parce bastante hipocrita. E problema principal ta keda cu nos no ta mira tanto cambio den e mentalidad di mayoria di politico, cu ta bisa cu nan ta pro cambio y pro introduccion di cierto legislacion, pero finalmente Aruba na nan man ta resulta e ultimo den Reino pa introduci nan. Nos ta haya repeticion di e caminda di cruz di e ley di Ombudsman?

Aruba Birdlife Conservation

Crisis di awa di riool na Bubali: Un yamado pa restauracion

Recientemente, organizacion pa conservacion di parha, Aruba Birdlife Conservation a expresa preocupacion tocante e crisis ambiental rond di e facilidad di tratamento di awa di riool na Bubali, den un comunicado di prensa.

Aruba Birdlife Conservation (ABC) un biaha mas ta comparti su preocupacion profundo tocante e crisis ambiental creciendo rond di e Facilidat di Tratamiento di Awa di Riool na Bubali. E problema aki di hopi tempo ta continua erosionando e beyesa natural di Aruba. E situacion continuo ta haci daño profundo na nos bida salvahe, ta menasa salubridad publico, y ta pone un sombra indesea riba nos reputacion como un destinacion sostenible pa turismo.

Mas cu un decada atras, ABC a haci advertencia trempa. Nos a papia cu figuranan clave den liderazgo, sperando pa crea conscientisacion y accion rond di e balans fragil entre maneho di awa di riool y preservacion ambiental. E tempo aya, no na tuma nos preocupacionnan na serio. ABC tin speranza cu e gobierno nobo ta bay demostra lo opuesto, y demostra cu nan si ta compronde y cu nan si ta worry.

Awe, e consecuencianan di



mal maneho na e planta di tratamento na Bubali ta hopi cla. Loke por a keda atendi cu prevision a crece den un reto costoso y compleho. E esfuersonan legal andando di Amsterdam Manor pa pusha pa reparacion urgente na e planta na Bubali ta sirbi como un recuerdo skerpi di kico ta pasa ora preocupacion no ta haya contesta. No ta bay pa tira culpa, sino pa siña di pasado pa nos no ripitie nunca. Responsabilidad pa e sistema a cambia durante añanan, di obra publico (DOW) na e operador actual, Aruba Wastewater Sustainable Solutions (AWSS NV). Y toch e resultado ta keda mescos: un falta di progreso serio, trans-

parencia y responsabilidad, y ni un solo biaha invitando ABC na mesa pa intercambia tocante e impacto riba e bida di parha na Aruba y con pa mitiga dicho impacto.

E impacto riba naturalesa di Aruba ta profundo. Tres di e cinco salina occidental di Aruba – Saliña Bubali, Saliña Palm Beach y Saliña Druif (Saliña Tierra del Sol – a sufri degradacion severo. E areanan aki, protegi bao Aruba Conservation Foundation (ACF) y reconocio como Ramsar Wetlands oficial, tambe ta designa como Aranan Importante pa Parha y Biodiversidad (IBAs).

Den nan peak, e salinanan aki tabata hogar na centenares di especie di parha. Saliña Bubali y Palm Beach tabata ricibi hasta 200 diferente parha. Saliña Druif tabata mira mas cu 100. Awendia, dos di nan, Palm Beach y Druif a bira completamente seco. Y Saliña Bubali, antes vibrante y yen di bida, awo ta den un di su estadonan mas precario den historia.

E imagen acompañaando e mensahe aki ta muestra 11 Cucharon Cora, parhanan migratorio gracioso cu a haya nan caminda pa yega Aruba. Nan ta bolbe cada aña guia pa instinto, djis pa bin haya cu e habitat riba cual nan ta

depende ta desapareciendo. Den proximo simannan, miles di otro parha migratorio ta bay ta yegando. Nan tambe ta bay encontra e realidad tristo di salina seco y awa contaminada.

E situacion ta doloroso, no solamente pa e parhanan, pero pa tur di nos cu ta balora e herencia natural di Aruba. Nos sa cu hopi di esnan den rol di toma di decision awo ta bisa cu ta preocupa profundamente, pero e ora a yega pa match e preocupacion ey cu accion significativo.

Nos ta apela na e gobierno nobo pa tuma e asunto aki na serio. Nos tin un oportunidad unico pa cambia e curso di e situacion no desea. Pa inverti den un sistema limpi y funcional di awa di riool. Pa restaura nos salinanan. Pa protegi e ecosistemanan cu ta sostene nos biodiversidad y ta duna forma na nos identidad como isla. Y un gran oportunidad pa restaura e bida di parha salvahe na Aruba.

Tempo no ta un luho. Esaki ta comprension y esaki ta preocupacion.

Ta ora pa “Sembra Speransa” aki tambe.

Ban hacie pa e muchanan.

Nota di redaccion: E opinion den e articulo aki ta di e autor y no ta refleha opinion di Bon Dia Aruba.

Reconocemento na comunidad Jamaquino riba Dia di nan Independencia

Consul Honorario di Jamaica Donald Taylor, acompaña pa su delegacion, a reuni diahuebs atardi cu Prome Minister di Aruba mr. Mike Eman caminda a elabora riba diferente meta comun.

Esaki tabata un encuentro ameno caminda a comparti informacion di e comunidad Jamaquino y di Aruba y e aprecio cu ta existi entre nan dos, segun un comunicado di gobierno. Sin laga afo e contribucion grandi cu nan ta aporta na nos economia, pero tambe na e cultura di nos pais.

Ademas a contempla con pa logra fortifica aun mas e lasonan entre e comunidad Jamaquino na Aruba, a bin cu un proposicion cu un significado simbolico pero cu un declaracion di peso.

E rotonde turistico dilanti



aeropuerto di Aruba ta conoci pa carga diferente bandera internacional di paisnan amigo di nos isla Aruba. Como un

amigo importante pa nos pais, Jamaica ta un cu te na e momento aki nunca a conta cu su bandera na e rotonde

aki.

Riba Dia di Independencia di Jamaica, cu ta dia seis di au-

gustus, lo tene un celebracion special na dicho rotonde, pa asina di forma oficial, hisa e bandera di Jamaica na honor di e pais y nan comunidad aki na Aruba.

Di su banda, e Consul Honorario di Jamaica, Donald Taylor a indica cu ta un gran honor y privilegio pa ricibi e invitacion di Prome Minister Eman. E comunidad di Jamaica a spera riba esaki pa algun aña caba, pa ricibi e reconocimiento di nan dedicacion y aporte na e isla di Aruba. Pa Prome Minister Eman, e ta mas cu un privilegio, e ta un sentido di deber di mira e reconocimiento aki tuma lugar, segun e comunicado. Comunidad Jamaquino ta parti di cada stap y progreso cu Aruba a haci, particularmente den e sector turistico, caminda ta mira nan contribucion tur dia.

AWE

MINI MEGA

MEGA PLUS

Awo cu 2 florin mas, bo por gana e

*** Afl. 440.000,-**

* Afl. 300.000,- + Afl. 140.000,-
extra

Benta ta sera 7:30 pm y sorteo ta hunga 7:45 pm

MEGA PLUS



HUNGA AWO

lotto

Farmaceuticonan preocupa pa aumento den prijs pa anticoagulente popular

(NLTimes) — Caden di botica BENU ta advertiendo cu un aumento skerpi den prijs pa e anticoagulente Eliquis ta menasando acceso di pashent pa medicinanan importante, RTL ta reporta. E costo nobo di e medicina, estableci pa fabricante Mericano Bristol-Myers Squibb (BMS), awor ta surpasa loke seguronan di salud Hulandes ta dispuesto pa reembolsa, poniendo boticanan den un conflicto financiero.

“Ta crucial pa pashentnan sigui tin acceso na medicina pagable sin pone e sistema di



cuido medico bao presion financiero,” segun Léon Tinke, director general di BENU Nederland, cual ta opera 345 botica, a conta RTL. “E continuidad di suministracion di

Eliquis via boticanan mayorista y boticanan ta na riesgo.” Eliquis, usa ampliamente den Hulanda pa pashentnan cu trombosis, ta supuestamente e anticoagulente mas prescribi den e pais. BENU a bisa cu e patente riba e medicina lo vence na Hulanda dentro di aproximadamente 18 luna, y ta anticipa cu alternativanan lo dreña e mercado cu prijsnan 80 pa 90 porciento mas barata.

Papiando cu Het Financieele Dagblad, Tinke a bisa cu BMS a cita un decreto pa presidente Mericano Donald Trump como e motibo tras di e aumento di prijs.

Rapport di UN ta revela aumento den inseguridad alimentario na Africa a pesar di mehoracion global

(AP)—Inseguridad alimentario ta aumentando den hopi parti di Africa, unda e cantidad di hende incapaz pa paga pa un dieta saludable ta surpasa 1 biyon—casi dos-tercer di e poblacion di e continente—den 2024, segun un rapport di e Organizacion di Nacionnan Uni (UN) a publica dialuna.

E prevalencia di inseguridad alimentario modera pa severo den Africa a mas cu dobel di e averahe global di 28 porciento, mientras cifranan den Latino America y Caribe, Asia y Oceania no ta yega e cifra ey, e rapport a bisa.

E rapport anual, produci pa cinco agencia di UN, ta analisa trendnan den esfuerso pa logra e meta di cero hamber rond mundo pa 2030. E agencianan ey ta inclui e Organizacion Mundial di Salud (WHO), e Organizacion di Alimento y Agricultura (FAO) y e Programa Mundial di Cuminda (WFP).

Casi 8,2 porciento di e poblacion global por a enfrenta



hamber den 2024, cual ta un caida for di 8,5 porciento den 2023 y 8,7 porciento den 2022, un trend positivo cu “ta contradeci e aumento gradual den hamber den mayoria subregion di Africa” y den Asia occidental, of algun parti di e Medio Oriente y Sur Asia, e rapport a bisa.

E prevalencia di desnutricion, un medida clave di progreso, a surpasa 20 porciento den Africa y a aumenta pa 12,7 porciento den Asia occidental, el a bisa.

E rapport aki ta esun mas recien sugeriendo cu pa elimina inseguridad alimentario universalmente ta keda un reto serio. Africa ta keda e continente mas vulnerable.

Segun e proyeccion actual, 512 miyon hende na mundo por ta cronicamente desnutri pa 2030, di cual casi 60 porciento por ta den Africa, e rapport a bisa. “Nos mester cambia e trayectoria aki urgentemente,” segun Máximo Torero, economista principal cu FAO.

Un punto grandi di preocupacion ta e cantidad di Africano cu no por paga pa un dieta saludable. Mientras e cifra global a cay for di 2,76 biyon na 2019 pa 2,6 biyon na 2024, e cantidad a aumento den Africa for di 864 miyon pa net un tiki mas cu 1 biyon den e mesun periodo.

Esey ta nifica cu mayoria Africa no por come bon riba e continente di 1,5 biyon ciudadano.

UN a adverti den un rapport na october cu conflictonan, instabilidad economico y shocknan climatico—ademas di menos financiamiento pa asistencia emergente den alimentacion y agricultura—tabata estimulando e nivelnan alarmante di inseguridad alimentario den 11 “hot spot di hamber.”

E rapport ey, pa FAO y WFP, a menciona Sudan, Sur Sudan, Haiti, Mali y e teritorionan Palestino como areanan cu ta mira e “nivel di preocupacion mas halto.”

Chad, Libanon, Myanmar,

Mozambique, Nigeria, Siria y Yemen tabata clasifica como “hotspotnan di preocupacion hopi halto,” unda cantidadnan di hende ta enfrenta of tabata anticipa di enfrenta nivelnan critica di inseguridad alimentario.

Torero a bisa cu e situacion den Africa ta “preocupante,” stimula parcialmente pa e fracaso den produccion agriculatural pa mantene cu aumento di poblacion den hopi area.

Na mesun momento, el a bisa, hopi parti di Africa ta enfrenta conflictonan violento y retrasonan causa pa cambio di clima.

“E shocknan aki ta interactua cu y ta reforsa otro, debilitando e sistema agrialimentario cu ya caba ta fragi,” el a bisa, papiando tocante e rapport di UN. “Zonanan di conflicto manera Sudan y e Sahel ta enfrenta retonan particularmente emergente. Ademas, clima ta presenta un menasa serio, particularmente pa e poblacion mas vulnerable.”

Keda alerta pa estafa riba rednan social!

No click riba aviso paga (sponsored ad) cu ta usando imagen di Aruba Today.
Bishita solamente e pagina oficial di Facebook, Aruba Today News, of e website
www.arubatoday.com.

Si bo haya algun problema, nos t'ey pa yuda: bondia.aruba@gmail.com



Gobierno Hulandes ta luchando cu riesgonan relaciona cu organisa tribunal di crimen di guerra di Rusia

(NLTimes) – Hulanda ta ansioso pa organisa un tribunal special pa persigui crimennan di guerra y agresion di Rusia contra Ucrania. Pero ainda gobierno ta luchando cu e riesgonan di seguridad y consecucionan di capacidad cu esaki ta trece cune, minister di Asuntonan Exterior Caspar Veldkamp a skirbi parlamento. E gabinete demisionario ta particularmente preocupa pa atakenan cibernetico serio di Rusia y e capacidad di prison cu ya ta limita, Telegraaf ta informa.

E gobierno a traha un mapa di e riesgonan cu e Ministerionan concerni, Veldkamp a skirbi. “Esaki ta revela cu e tribunal ta encera hopi riesgo cu consecucionan di gran alcance pa, entre otro, e sistema di detencion y e sistema di



vigilancia y seguridad, Veldkamp a skirbi. “Alohamiento di e tribunal aki lo pone substancialmente mas exigencia riba Hulanda cu otro corte y tribunalnan internacional situa na Hulanda.”

Ya caba e sistema di prison

Hulandes ta riba capacidad te na e punto cu ta imposibel pa haya tur condenado Hulandes den prison. E gobierno demisionario a dicidi di cuminsa laga prisionero den libertad dos siman prome cu nan sentencia caba, pa traha espacio pa detenidonan nobo.

Den e proximo lunanan, e gobierno lo traha un mapa di e posibilidadnan di combina persecucion, vivienda y detencion na un lugar separa. “Mirando e exigencianan poni riba e facilidad di detencion en particular, mester anticipa un tempo largo pa real-

isacion di un facilidad asina,” Veldkamp a bisa. E gobierno tambe ta trahando un mapa di e consecucionan financiero “pa tanto Hulanda como e pais anfitrión como pa e paisnan cu ta sostene.”

Un tribunal temporal pa persigui agresion Ruso contra Ucrania a ser estableci dia 25 di juni pasobra Corte Penal Internacional no tin competencia riba Rusia. 36 pais ta participando den e tribunal. Ta dudoso cu Rusia lo preocupa pa persecucion potencial door di e tribunal, pero Veldkamp ta considera esaki toch un señal importante. “E establecimiento di e tribunal aki ta un suceso historico: ta e prome biaha for di e huicionan di Nuremberg y Tokyo cu e liderazgo politico y militar di un pais lo ser teni responsabel pa viola e prohibicion di uso di forsa.”

Hotspot di tiburon na Corsou a baha cu mas di 60 por ciento

(Curacao.nu) – Biodiversidad di tiburon rond Corsou a baha drasticamente den decadanan reciente. Esaki ta bisto for di un estudio cientifico di entre otro Lisa Hübner y Guido Leurs, publica dia 5 di juni 2025, den e revista Aquatic Conservation. E investigacion, basa riba conocimiento ecologico local di piscador, ta muestra cu e cantidad di areanan cu diversidad halto di tiburon – asina yama hotspots – a baha cu mas cu 60 por ciento for di 2010.

Entre 1957 y 2009, piscador nan a identifica 36 hotspot cu un diversidad di especie promedio di mas cu shete especie di tiburon pa area. Entre 2010 y 2022, e cantidad ey a baha te na 14 hotspot, caminda un promedio di tres especie ta ser haya. E probabilidad cu un hotspot lo a sosode den pasado tabata mas cu cuater biaha mas grandi cu e ta awor.



E estudio tabata basa riba 21 entrevista y encuesta bou di piscador local, cu a mapa nan observacionnan di tiburon den henter Corsou. Segun e investigadornan, e resultadonan ta muestra cu conocimiento local ta valioso den reconstruccion di tendencianan ecologico den regionnan caminda datonan a largo

plaso ta falta.

Bycatch

Aunke triburonnan no ta ser gara hopi na Corsou, hopi biaha nan ta ser tuma como bycatch (pisca gara pa eror). Segun piscadornan, esaki ta sosode generalmente pa evita daño na articulonan di pesca. Carni di tiburon tabata ser

consumi frecuentemente den platonan manera keru keru, pero e tradicion aki a baha. No obstante, e carni, ta ser bendi regularmente ainda, tin biaha bou di e nomber di un otro especie di pesca, manera grouper. E benta di azeta di higrá di tiburon tambe ta biraando mas comun, debi na su supuesto propiedadnan me-

dicinal.

Ta impresionante cu mayoria piscador ta apoya e importancia di conservacion di ocean pero ta considera proteccion di tiburon innecesario. Nan ta considera e poblacionnan como saludabel. Na mesun momento e gran mayoria di piscadornan no ta sinti nan mes involvi den maneho di pesca riba e isla. Sinembargo, casi tur participante a indica cu nan lo kier ta mas involvi den tumamento di decision pa loke ta trata maneho di pesca.

E investigacion a ser financia pa e Academia Real di Arte y Ciencia di Hulanda, Sharkproject Internacional, y e Fundacion Aleman pa conservacion di Marino (Deutsche Stiftung Meeresschutz). Tur piscador participante a ser informa tocante e resultadonan prome cu publicacion a traves di poster y flyer na e lugarnan di pesca local.

Hulanda: Ayudo legal ta mucho caro pa e clase pover y medio, gruponan ta adverti

(NLTimes) – Cinco organisacion huridico Hulandes ta urgi lidernan politico pa protege acceso na yudansa huridico, advertiendo cu aumento di gasto y cortamento proponi ta menasa di exclui residentenan di entrada abou y mediano for di sosten huridico esencial, Trouw ta informa.

Den un carta conhunto na partidonan politico Hulandes, Juridisch Loket, Koninklijke Notariële Beroepsorganisatie, KNB, Verbond van Verzekeraars, Mederlands, y Geschillencommissie ta adverti di bareranan creciente

pa husticia. Nan ta argumenta cu hendenan cu medianan limita mester tin acceso no solamente na abogadonan subsidia, pero tambe na notarionan y mediadornan ora ta necesario.

“Sin yudansa na tempo y accesibel, hende ta keda sin proteccion, loke ta resulta den incertidumbre y stress,” nan a skirbi, referiendo na e scandal di beneficienan di cuidio di mucha Hulandes: “E asunto di beneficienan di cuidio di mucha a muestra dolorosamente kico ta bay robes ora e estado di derecho ta cay cortico.”

E carta ta sigui un proposicion controversial di ministerio di Finanzas, cu ta sugeri pa caba cu yudansa huridico subsidia den casonan cu ya ta cubri pa seguro huridico priva. E plan ta aparece den e ombuiging-slijst di gobierno—un lista di posibel cortamento di presupuesto—y por spaar 70 milyon euro anualmente.

Criticonan ta adverti cu e plan lo cambia gastonan pa ciudadanonan. Si individuonan di entrada abou perde acceso na abogadonan subsidia, nan por ser forsa pa depende riba seguro huridico priva—loke ta hisa e prijs y ta laga hopi

sin cobertura. E ombuiging-slijst mes ta adverti: “E medida aki por reduci acceso na husticia pa esnan sin seguro huridico.”

Aunke Secretario di Estado pa Proteccion Huridico Teun Struycken a priminti mas financiamiento pa yudansa huridico na cuminsamento di e aña aki, e cinco organisacionnan ta keda preocupa. Nan ta urgi lidernan politico pa inverti den “informacion, conseho y sosten accesibel y personalisa, forman apro-pia di resolucion di conflicto manera mediacion, financiamiento stabiel pa institutonan

crucial, y asistencia huridico sigura accesibel.”

E asociacion di notario, KNB, tambe ta boga pa servicio notario subsidia pa esnan cu no por paga nan, manera hende cu ta traha acuerdonan preliminar of ta purba di evita di hereda debe. Struycken te awor a nenga di reembolsa trabou notario. “Acceso na husticia ta esencial pa un estado di derecho cu ta funciona bon,” e organisacionnan a skirbi.

Gabinete ta aumenta presion riba Israel y ta considera medidanan nacional



(NLTimes) – E gabinete demisionario ta considerando medidanan nacional contra di Israel pa aumenta e presion riba e pais. Prome minister demisionario Dick Schoof a anuncia esaki dialuna anochi riba X despues di un reunion di urgencia na Catshuis.

Schoof a reuni dialuna cu e ministernan demisionario Caspar Veldkamp (Asuntonan Exterior) y Ruben Brekelmans (Defensa) pa papia tocante e “situacion catastrofico na Gaza,” como contesta na e situacion cu ta sigui deteriora na Gaza, e gabinete ta considerando awor pa impone medidanan nacional contra e gobierno di Israel.

“E meta di e gabinete ta cla manera cristal: e hendenan na Gaza mester tin acceso inmediato, sin obstaculo y sigur na yudansa humanitario,” Schoof a bisa, kende a informa presidente di Israel Isaac Herzog via telefon. E gabinete lo emiti despues

un carta pa e camara di Representanten cu ta splica e decision.

Medidanan contra Israel tambe ta ser discuti na nivel Europeo. Comision Europeo kier parcialmente suspende e participacion di Israel den e programa di investigacion di EU Horizon. E estadonan miembro di EU ainda mester vota riba esaki. Schoof ta bisa cu si e proposicion haya voto di mayoria, e lo pusha pa “medidanan adicional, por ehempel den e area di comercio.”

Ministerio Israeli di Asuntonan Exterior ya a yama e plan di e comision Europeo “robes, lamentabel y inhumana” dialuna anochi. Danki na e programa di investigacion, Israel ta eligibel pa subsidio pa entre otro companianan nobo di tecnologia.

Schoof kier pa Israel cambia rumbo

Siman pasa, e partidonan GroenLinks-PvdA y D66 a existi pa Camara di Representanten bolbe for di rec-

es pa debati riba e situacion na Gaza. E partidonan tabata kier pa e gabinete tuma un posicion mas severo contra Israel debi na e situacion deplorabel eyan. Un mayoria den e camara a vota contra di un debate asina.

E weekend aki, Schoof a declara cu e ta kere cu e preocupacionnan, intranquilidad y rabia den sociedad Hulandes

tocante e situacion den e Franha di Gaza ta hustifica. El a declara cu e situacion humanitario eyan a yega “un minimo nobo.”

E prome minister a bisa cu e ta kere cu e gobierno di prome minister di Israel Benjamin Netanyahu mester “cambia rumbo.” E gabinete kier pa Israel permiti ayudo humanitario drenta Gaza.

Siman pasa, 111 organisacion internacional di ayudo a bati alarma riba e situacion den Franha di Gaza. Den un comunicado, nan a critica e politica di Israel riba permiti ayudo. “Pa motibo cu nos ta ser nenga acceso, nos no por yega na esnan den necesidad. Nos mesun ekiponan ta agota y muriendo di hamber,” e declaracion a bisa.



TRABOU DI MANTENCION DEN TRANSFORMATORSHUIZEN NA ORANJESTAD

Interupcion di Coriente Planea

En conexion cu trabounan necesario pa mantene un suministro di coriente confiabel, e servicio di coriente lo wordo interumpi:

Diahuebs, 31 di juli, 2025
8:30 AM te cu 3:30 PM

Den vecindario di:

- Bazinsstraat (un parti)
- Beaujonstraat (un parti)
- Bilderdijkstraat (un parti)
- Byronstraat (un parti)
- Constantijn Huygenstraat
- George Madurostraat (un parti)
- Herman Gorterstraat (un parti)
- Schreuderstraat (un parti)
- Victor Hugostraat
- Colegio Arubano
- Vondellaan (un parti)

N.V. ELMAR ta pidi disculpa pa e inconveniencia cu e interupcion di coriente aki por causa.

Bishita www.elmar.aw pa mira e lista di adresnan afecta.

Danki pa e comprension.



Lider di 'Los Pulpos' a celebra su liberacion cu un fiesta na Trujillo pero awo ta perdi

(Infobae) – Jhon Smith Cruz Arce, conoci como 'Jhon Pulpo' y fundador di e organizacion criminal Los Pulpos de Trujillo, a celebra su liberacion cu un fiesta cu a inclui e participacion di e cantante popular di cumbia Tony Rosado, segun imagennan publica pa e website di Investiga.



Segun fuentenan cita pa medionan local, e celebracion a tuma lugar dia 18 di juli, apenas cuater dia despues cu Cruz Arce a sali for di e prizon Challapalca na Tacna. E

imagennan viral ta musta "Jhon Pulpo" para contento cu varios amigo. E fiesta tambe a ser anima pa ex miembran di un conocido banda musical di e distrito di Gua-

dalupe. Te awe no ta conoci unda Cruz Arce ta. Su abogado, Jorge Gutiérrez, a confirma na e programa Ocorre Ahora cu el a perde contacto cu su

cliente "desde cu prensa a cuminsa bombardi'e den tur medio di comunicacion."

Investigacion a revela cu 'Jhon Pulpo' por a biaha pa Chile, caminda ta supone cu su yiu homber, Jhonson Smith Cruz Torres, alias 'Jhonsson Pulpo', ta, pa ken gobierno ta ofrece un recompensa di 500 mil soles pa informacion tocante su parade-ro.

Di acuerdo cu un documento policial cita pa Ocorre Ahora, e ultimo caminda e tabata mira segun informe tabata

den e ciudad di Rancagua, Chile, despues di tabata un fugitivo na Bolivia. E informacion tambe ta detaya cu Cruz Torres ta mantene un relacion estrecho cu su medio ruman, Eddy Armando Cruz Arce, kende, segun e certificado di inmigracion, ta residencia den e pais sur des-de 2 di augustus 2008.

Cruz Arce tin mas cu 40 aña di historia criminal pa crimennan incluyendo homicidio, extorsion, heridanano serio y atraco agrada. Den La Libertad so, e tin 19 caso penal habri.

Colombia: Morto straño di periodista investiga den west di Bogota

(Infobae) – Meymey di e luto pa e morto di Laura Camila Blanco, un comunicador social y periodista di 26 aña, su famia ta busca pa aclaria e circunstancianan di su morto, cu nan ta considera sospechoso.



El Ojo de la Noche.

Familiarnan di e dama hoben ta sostiene cu tin elementonan cu ta causa duda riba loke a sucede, loke a pone cu a habri e investigacion.

Autoridadnan di Bogota ta investigando e morto di e periodista den oranan di marduga di diadomingo 27 di juli.

Segun prome informe, e incidente a tuma lugar na e edificio Salitre Living den e bario di Barrios Unidos. Laura tabata biba cu varios colega di trabou y su pareha, un homber di 27 aña kende e tabata den un relacion pa aproximadamente dos aña, segun e programa di mainta

Testigonan a bisa cu a surgi un discusion entre e pareha den un di e cambernan di e apartamento, situa den e bario di José Joaquín Vargas.

Alrededor di 5:00 di mainta, despues di a tende gritonan y un bringamento intenso, e hoben a bandona e camber y

a bisa esnan presente cu Laura a bula for di e bentana di su camber, situa na e di nuebe piso.

Mesora a hiba e dama hoben pa un centro medico, pero a yega sin señalnan vital. Laura su mama, papiando cu e programa di Caracol Television, a expresa su duda tocante e version di e pareha di e suces-

onan y a duna detaye tocante nan relacion.

Di acuerdo cu su relato, e relacion tabata complica y marca pa episodionan di control y jaloersheid. E tambe a describi e pareha di su yiu muher como "hopi jaloers, dominante y egoista," y a declara cu e famia tabata na altura di discusionnan ripiti, tanto den e apartamento como den espacio publico. Na algun ocasion, e mama mes a interвени pa intermedia e conflictonan.

Asina mes e mama a lamenta di no a entrega un keho formal prome cu e tragedia: "Semper mi a sosten'e den tur su situacion, pero nunca mi a imagina cu e lo a termina asina... Lamentablemente, nos no a entrega un keho", el a bisa.

Laura su mama a afirma cu "hopi cos por a pasa. Pero mi ta sigur cu el a ser tira pa

e situacion, pa e estado di e camber, pasobra e no lo a haci esey."

E testimonio aki ta reforsa e percepcion cu e situacion di Laura tabata conoci pa esnan cerca di dje, aunke no a tuma accion legal previo.

Autoridadnan a detene e pareha di Laura Camila Blanco y a interog'e como testigo principal den e incidente. Oficina di Procurador General a haci un inspeccion tecnico na e sitio y awor ta encabesa e investigacion pa determina si ta trata di un suicida of si su pareha of otro persona presente den e apartamento tabata responsabel criminalmente.

Segun cu e proceso legal ta avansa, famia di Laura ta existi pa e circunstancianan di su morto ser aclara y pa husticia ser haci.

Polis ta bisa cu 3 a fayece y 10 ta herida den e prome tiroteo masal riba Islanan Turks y Caicos

(AP) — Tres hoben a fayece y 10 otro a keda herida na un lugar di anochi popular na e Islanan Turks y Caicos den loke autoridadnan a yama e prome tiroteo masal di e teritorio Britanico den historia recien.

Por lo menos cuater sospechoso tabata envolvi den e tiroteo diadomingo trempan riba e isla di Providenciales, pero niun hende no a ser aresta, segun e comisario

di polis Fitz bayley, kende a yam'e "profundamente perturbante."

"Awor nos ta mirando un matansa tipo gangland, y hopi di e violencia di gang aki ta parce di ta concentra den nos comunidannan Haitiano," Premier Charles Washington Misick a bisa den un conferencia di prensa.

El a pidi e comunidad Haitiano pa coopera cu polis, bisando cu algun di nan sa

con arma ta ser contrabanda den e islanan Turks y Caicos.

"Loke ta pasando aki ta manera nada cu nos a yega di mira prome," el a bisa. "Esaki no ta un situacion cu nos mester acepta."

E tiroteo ta tuma lugar na momento cu e archipelago ta reprimi inmigracion ilegal.

Un calculacion di 10.900 Haitiano ta biba na e Islanan Turks y Caicos, representan-



do un tercera parti di e poblacion di e teritorio. Alrededor di 80% di Haitianonan ta biba na Providenciales, y 20% tin residencia permanente, segun e oficina di asuntonan humanitario di Nacionnan Uni.

Gobernador interino Anya

Williams a bisa cu e hospital na Providenciales tabata den lockdown pa proteha esnan cu ta ser trata pa nan heridanano. El a bisa cu por lo menos dos di esnan herida a ser hiba den exterior pa mas tratamiento.

Polis na Mexico: 232 morto den 2025

(Infobae) – Di 18 pa 24 di juli 2025, por lo menos shete oficial policial a ser asesina na Mexico, segun e informe semanal di e organizacion Causa en Común. E homicidionan a tuma lugar den e estadonan di Chihuahua (2), Guerrero (2), Hidalgo (1), Sinaloa (1) y Veracruz (1).

Cu e casonan aki, e cantidad total di oficialnan policial cu a muri te awor e aña aki ta subi te na 232, un promedio di un pa dia. E cifra aki tambe ta representa un aumento di 30% compara cu e mesun periodo na 2024.

E estadonan cu e cantidad di polis mas halto na 2025 ta Sinaloa, cu 33 caso; Guanajuato, cu 26; Michoacán, cu 23; Guerrero, cu 21; y Veracruz, cu 16. E cinco estadonan aki ta responsabel pa mas cu mitar di e homicidionan registra e aña aki.

Den e periodo acumulativo entre 1 di october 2024, y 17 di juli 2025, Causa en Común a documenta un total di 326



polis asesina den e pais.

E organizacion a adverti repetidamente tocante e riesgonan cu personal di seguridad publico ta enfrenta y a muestra riba e falta di proteccion minimo, ekipo y sosten institucional necesario pa ehecutcion di nan tareanan.

Den un estudio conduci pa e organizacion riba presupuestonan, orario di trabou, welga y protesta di polis, asenatonan di polis, y e efectonan di militarisation, a conclui cu oficialnan poli-

cial ta ser exponi na nivelnan halto di stress, falta di proteccion y riesgo, tanto debi na nan ambiente di trabou como e violencia structural y institucional cu nan ta enfrenta.

Entre e resultadonan principal di e trabou aki ta conclui cu polis na Mexico ta opera bou di condicionnan di trabou negativo marca pa salarionan abou, orarionan no regula, problemanan di salud, violencia y negligencia institucional.

Na 2021, salarionan mensual tabata varia di 8.651 peso na

Veracruz pa 18.000 peso na Quintana Roo, reflehando un disparidad grandi entre estadonan.

E dia di trabou mas comun ta 24 ora trahando, 24 ora liber, aunke tin mas cu un decenas di diferente skema. Cuarenta y cuater por ciento di oficialnan ta traha mas cu 12 ora pa dia, y por lo menos 5% ta keda den kazerne sin pago di overtime of tempo liber.

E condicionnan aki ta impacta salud fisico y mental: 40% di esnan afecta ta informa sintomanan manera insomnio, ansiedad, cansancio cronico, irritabilidad of burnout. Den casonan severo, adiccion, descapacidad y suicida a ser documenta.

Entre 2018 y 2022, por lo menos 1.818 polis a ser asesina, un promedio di mas cu un pa dia. Guanajuato, e Estado di Mexico, y Zacatecas ta responsabel pa e mayoria di e homicidionan aki, di cua mas cu 90% a keda sin ser castiga te ora cu e estudio a keda publica na 2022.

Polisnan tambe ta confronta un falta di ekipo, seguro di bida, y beneficionan basico, loke ta conduci na varios protesta exigiendo mehoracion den e areanan aki, y tambe respet pa orario di trabou y pago di bonus di vakantie of bonus di Pasco.

Agrega na esaki ta kehonan di asedio na pia di trabou, discriminacion, y violacion di derecho humano door di personanan mas halto, specialmente despues di e traspaso di agentenan federal pa Guardia Nacional. E proceso di militarisation a debilita corporacionnan civil, cu ta enfrenta cortamento di presupuesto y stagnacion den nan profesionalisation.

Entre december 2018 y 2022, por lo menos 331 protesta policial exigiendo mihor condicionnan di trabou a keda registra, hopi di nan a ser enfrenta cu menasa di sancion of retiro. A pesar di e protestanan, problemanan structural ta persisti, e estudio ta conclui.

Adul-tonan mayor solitario di Venezuela ta haya salvacion riba pista di baile

(Reuters) - Den un centro comercial druk di Caracas, zonido di musica y harimento ta señala un otro encuentro di Club Tobias. Esaki no ta un club social comun y coriente; e ta un liña di salvacion pa Venezolanonan di mas cu 60 aña, hopi di nan ta biba nan so despues cu nan yunan y nietonan a emigra.

Angela Graterol, di 93 aña, ta un regular. Tres di su seis yiu ta biba den exterior, un di nan a encurash'e pa forma parti di e club. E ta bisa cu baila tur diahuebs a trec'e "back na bida."

"Musica ta yena mi," e ta bisa. "Mi pianan ta djis cuminsa move riba nan mes."

Graterol hopi biaha ta ser acompaña pa Juan Fuentes, un soldad retira di 90 aña di edad kende su yiu muher ta biba na Europa. E ta cana for

di su cas, caminda e ta practica su canticanan faborito, skirbiendo e letranan cu e ta preocupa e por lubida.

Venezuela ta cas di casi 3,5 miyon adulto mayor. Casi 8 miyon di e ciudadanonan di e pais a bay den e ultimo añan, segun UN.

"Cu migracion, hopi di nos grandinan ta keda nos so," Zandra Pedraza, di 77 aña, kende a co-funda e club tres aña pasa pa combati soledad bou di adul-tonan mayor, ta bisa.

Club Tobias awor tin 15 localidad. Co-fundador Jose Rafael Quintana ta motiva tur hende cu un lema simpel: "Si bo no move, bo ta keda pega." Pa Graterol, Fuentes, y centenares otro, e club ta mas cu djis un lugar pa baila; e ta un comunidad vibrante cu ta proba cu un bon tempo no tin limite di edad.



Ley nobo na Benin ta otorga ciudadania na descendiente di catibo

Ciara entre e promenan



(AP) - Cantante Mericano Ciara ta e prome di e figuranan publico cu a bira ciudadano di Benin bao un ley reciente cu ta otorga ciudadania na descendiente di catibo.

E cantante ganadora di Grammy su adkision di ciudadania na un ceremonia diasabra na e ciudad di Cotonou ta parti di un iniciativa mas amplio di Benin pa atrae e diaspura di color scur, reconoce e pais su rol den e comercio di catibo transatlantico y promove turismo enfoca riba sitionan di recordatorio relaciona cu catibo. “Pa medio di legalmente reconece e yiunan aki di Africa, Benin ta sanando un herida historico. E ta un acto di husticia, pero tambe di pertenece y speranza,” minister di Husticia Yvon Detchenou a bia na e ceremonia.

Benin su ley di ciudadania afro-descendiente

Den september, Benin a aproba un ley cu ta otorga ciudadania na esnan cu por rastrea nan linahe na e comercio di catibo.

E ta habri pa cualkier persona riba di 18 aña cu no tin otro ciudadania Africano y cu por provee prueba cu un ancestro a keda deporta via e comercio di catibo for di cualkier pais na Africa Sub-Sahara. Autoridadnan di Benin ta acepta test di DNA, testimonio autentica y recordnan familiar.

Siman pasa, e gobierno a lansa My Afro Origins, e plata-

forma digital cu ta procesa e aplicacionnan aki.

Mientras cu Benin no ta e prome pais den otorga ciudadania na e descendientenan di personanan catibo, su ley di ciudadania ta carga mas peso, parcialmente a causa di e rol cu el a hunga den e comercio di catibo transatlantico.

Un ahuste di cuenta nacional cu su papel den comercio di catibo Comerciantenan Europeo a deporta un calculacion di 1.5 miyon persona catibo for di Bight of Benin - un region cu ta inclui Benin di awendia, Togo y partinan di Nigeria - pa Americas.

Reynan di Benin activamente a participa den captura y benta di catibo na comerciantenan Portugues, Frances y Britanico. Ex reinadonan y e comunidadnan cu nan a destrui te ainda ta existi awendia como rednan di tribu.

Benin tin hopi tempo trahando pa reconcilia cu su legado di complicidad. El a abiertamente admiti su rol den e comercio di catibo, un posicion cu varios otro nacion Africano cu a participa no ta comparti.

Den añanan 1990, el a anfitriona un conferencia internacional pa examina con y unda e catibonan tabata bendi. Den 1999, e president di e tempo aki Mathieu Kerekou a pidi despena na Africanonan Mericano durante un bishita na un misa na Baltimore.

“Memorial Tourism”

Banda di e ahuste di cuenta nacional aki, “memorial tourism” ta trata e legado di e comercio di catibo cu a bira un strategia clave di e gobierno di Benin pa atrae afro-descendiente.

Sitionan di conmemoracion ta mas tanto na Ouidah, un di Africa su wag mas activo den comercio di catibo den siglo 18 y 19. Nan ta inclui e Slave Route, cual ta e caminda cu ta marca e catibonan su ultimo biahe na e barconan y Door of No Return, un porta cu ta habri na e Oceano Atlantico unda nan a laga Africa y nan famia atras pa ultimo biaha.

Sinde Chekete, hefe di Benin su agencia di turismo mancha pa estado, ta bisa cu e sitionan aki ta duna e afro-descendientenan aki e oportunidad di siña tocante y honra e luchanan y resiliencia di nan ancestro.

“E por inspira hende bisa “Mi kier regresa Africa y scoge Benin pa compronde e historia aki,” chekete a bisa.

Despues di e ceremonia di su ciudadania, Ciara a haya un tour di e ciudad historico, unda el a cana e Slave Route caminda pa Door of No Return.

“Entre emocion, refleccion y herencia, mi a experiencia un regreso profundo na loke berdaderamente ta importante,” el a bisa.

Municipalidad di Utrecht ta haya critica tocante cuenta di 77 mil euro pa ruim op mata di Pasco

(NLTimes)—E municipalidad di Stichtse Vecht ta enfrentando critica despues di gasta 77.588 euro riba e coleccion di mata di Pasco aña pasa—mas cu 50 porciento riba presupuesto y e suma mas halto registra entre tur municipalidad den e provincia di Utrecht, segun RTV Utrecht ta reporta.

E costo, discuti durante un reunion recien di e conseho di ciudad, a surpasa e presupuesto planea di 50.000 euro. Un total di 4.450 mata a ser colecta, cual ta conta pa 17.44 euro cada mata.

Pa involvi e comunidad, e municipalidad a lanta 25 sitio di entrega y a permiti muchanan entrega mata di Pasco pa 1 euro cada un. Esnan cu a colecta mas cu 15 mata tambe tabata eligible pa buskeda na cas. En bes di organisa e esfuerzo internamente, e municipalidad a contrata un agencia di evento pa mancha e logistica.

“E forma aki di coleccion ta parece un evento mas cu un limpieza standard y pa e motibo ey ta encera costo hopi mas halto,” vocero di e municipalidad a bisa. “Costo di personal tabata specialmente halto debi na e envolvimiente di un agencia di evento.”

Municipalidadnan comparable a reporta menos gasto. Na Woerden, 4,194 mata a ser colecta pa apenas 3.900 euro—of apenas 0.93 cen pa mata. E diferencia principal: Woerden a mancha e proceso internamente sin contrata-donan externo. Den Utrecht, e municipalidad ta mancha gran parti di e coleccion su mes, gastando rond di 40.000 euro.

Hasta otro ciudadnan cu si a contrata partidonan externo a gasta hopi menos. Utrechtse Heuvelrug a paga 9.250 euro pa colecta aproximadamente 2.600 mata, y De Bilt a gasta aproximadamente 7.500 pa su coleccion cu el a outsource.

Miembronan di conseho na Stichtse Vecht a expresa preocupacion tocante ripitiendo e mesun eror e winter aki. “Si no, nos lo atrobe ser presenta cu un cuenta halto pa un agencia di evento otro aña,” segun Sarah van Lindenberg-Hess, lider di fraccion CDA, a conta RTV Utrecht.

Asina mes, e municipalidad ta bisa cu cambionan e aña aki lo ta limita. “Ta dificil pa mobilisa suficiente personal pa un esfuerzo di 1 dia,” e vocero a splica. “E tempo corto tambe ta hacie dificil pa recluta boluntario, y e logistica di coleccion ta rekeri mas chauffeurnan di truck.”

E municipalidad supuestamente ta explorando opcionnan mas barata, incluyendo usa mas personal interno. Sinembargo, e vocero a agrega, “Nos no por scapa reclutando un agencia di evento atrobe e aña aki pa haci e operacion aki posible.”



Modelo di AI Vogue ta crea preocupacion tocante norma di beyesa

(BBC) – Den e edicion imprimi di Vogue di augustus, un propaganda di Guess ta mostra un modelo blond perfecto cu ta bisti un ‘maxi-dress’ strepia y un ‘playsuit’ floral for di e coleccion di verano di e marca.

Den letter chikito den un skina, e anuncio ta revela cu el a ser crea usando inteligencia artificial.

Mientras cu Vogue ta bisa cu e modelo di inteligencia artificial no tabata un decision editorial, ta e prome biaha cu un persona genera pa inteligencia artificial a aparece den e revista.

E propaganda a ser topa cu controversia y ta lanta preguntanan tocante kico esaki ta nifica pa modelonan real cu a lucha pa diversidad, y pa consumidornan - particularmente hobennan - cu ya ta luchando cu normanan di beyesa irealistico.

Seraphinne Vallora ta e compania tras di e propaganda controversial di Guess.

Su fundadornan, Valentina Gonzalez y Andreea Petrescu, ta bisa BBC cu nan a ser acerca pa e co-fundador di Guess, Paul Marciano, riba Instagram y a ser pidi pa crea un modelo di inteligencia ar-



tificial como parti di e campaña di verano di e marca.

“Nos a crea 10 modelo di draft p’e y el a selecta un muher bruin y un blond cu nos a sigui desaroya mas leu,” Gonzalez ta bisa.

E ta splica cu hopi biaha tin un mal concepto cu generacion di imagen di inteligencia artificial ta simpel, bisando cu e ta en realidad un proceso complejo.

E compania tin cinco empleado cu ta crea modelonan di inteligencia artificial, y e por tuma te cu un luna for

di inicio di e idea te na e producto completa.

Pero Felicity Hayward, un modelo di tamaño grandi cu ta den e industria pa mas cu un decada, ta bisa cu usando modelonan di inteligencia artificial den campananan di moda “ta sinti floho y barata”.

“Sea Guess ta haciendo esaki pa crea un punto di papia y haya publicidad gratis of nan kier corta gasto y no ta pensa riba e implicacionnan di esey.”

E mundo di moda tabata haciendo progreso real pa ta mas inclusivo den añanan

2010 - e decada a mira Valentina Sampaio bira e prome modelo abiertamente transsexual den cana pa Victoria’s Secret, Halima Aden tabata e prome modelo cu a bisti hijab den campananan mundial, y marcanan manera Savage x Fenty a presenta modelonan di tamaño grandi riba pista.

Pero den añanan recien, Hayward ta kere, e industria a slip bay atras pasobra “e hendenan aki djis no ta ser reserva mas”.

Y e uso di modelonan di inteligencia artificial ta “un otro scop den djente, y un cu lo afecta modelonan di tamaño grandi desproporcionalmente”, e ta adverti.

E pareha ta admiti cu e imagennan di inteligencia artificial riba e pagina di Instagram di nan compania falta diversidad y ta promove normanan di beyesa irealistico. Nan ta bisa cu nan a purba di ta mas inclusivo, pero ta e usuarionan no ta envolvi mucho cu e postnan ey.

“Nos a post imagennan di AI di hende muher cu diferente tono di cuero, pero hende no ta responde na nan – nos no ta haya ningun interaccion of likes,” Gonzalez a bisa.

“Na final di dia, nos ta un negoshi y ta usa imagennan riba Instagram cu lo crea un combersacion y trece clientenan pa nos.”

E compania ainda mester experimenta cu creacion di hende muher di tamaño grandi, alegando cu “e tecnologia no ta suficiente avansa pa esey”.

Hayward ta preocupa cu mirando e imagennan inal-cansabel aki por tin un impacto riba e salud mental di hende y afecta nan imagen di curpa negativamente.

Preocupacion tocante normanan di beyesa irealistico y e efectonan dañino cu nan por tin no ta nada nobo. Pero contrario na airbrushing tradicional, cu por lo menos a cuminsa cu un persona real, e modelonan di inteligencia artificial aki ta ser crea digitalmente pa parece perfecto, liber di defectonan humano, inconsistencianan of aspecto unico.

E decision di Vogue pa inclui un propaganda genera pa AI a causa un conmocion riba red social, cu un usuario riba X skirbiendo: “Wow! como si fuera e expectativanan di beyesa no tabata suficiente irealistico, aki ta bin AI pa haci nan imposibel. Ni modelonan no por competi.”

Vanessa Longley, CEO di e organizacion caritativo di trastorno di alimentacion Beat, ta bisa BBC cu e propaganda ta “preocupante”.

“Si hende ta ser exponi na imagennan di curpanan irealistico, e por afecta nan pensamiento tocante nan mes curpa, y un mal imagen di curpa ta aumenta e riesgo di desaroya un trastorno di alimentacion,” e ta bisa.

Agregando na e asunto ta e falta di transparencia - e no ta un requisito legal pa etiqueta contenido genera pa inteligencia artificial na Reino Uni.

Mientras cu Guess a etiketa su propaganda como genera pa AI, e declaracion di responsabilidad ta chikito y sutil. Lectornan por pasa sin wak e, na prome bista, e imagen ta parece completamente real.

Sinead Bovell, un modelo anterior y awor empresario di tecnologia, a skirbi un articulo pa Vogue cinco aña pasa tocante e riesgonan di AI reemplasando modelahe.

“E normanan di beyesa ya ta ser influencia pa AI. Tin mucha muher jong cu ta haci cirugia plastico pa parece un cara den un filter – y awor nos ta mira hende cu ta completamente artificial,” e ta bisa.



Dwight Muhammad Qawi, boxeador cu a bay di prizon pa campeon, ta fayece cu 72 aña

(AP) — Dwight Muhammad Qawi, e bringador di Hall of Fame cu a cuminsa boxeo den prizon y a bira un campeon mundial di dos peso, a fayece. E tabatin 72 aña.

E ruman muher di Qawi, Wanda King, a bisa cu el a fayece diabierna despues di un bataya di cinco aña cu demencia.


Naci Dwight Braxton na Baltimore, Qawi a lanta na Camden. El a competi den e programa di boxeo na Prizon Estatal di Rahway mientras e tabata sintando un castigo pa atraco arma, y a bira profesional na edad di 25 aña djis despues di su libertad na 1978.

Na december 1981, Qawi — kende a cambia su nomber legalmente na 1982 despues di su conversion na Islam — a para Matthew Saad Muhammad den e di 10 buelta pa gana e faha di lightweight



di WBC. Qawi a para Saad atrobe ocho luna despues, tumando seis rond.

Despues di un perdida Michael Spinks— yama “The Camden Buzzsaw” — a subi



den peso y a tuma e titulo di peso crucero di WBA for di Piet Crous na juli 1985. Qawi a perde e titulo contra futuro campeon heavyweight Evander Holyfield den un 15 rond na juli 1986.

Qawi despues a bringa como heavyweight, unda George Foreman a derota den shete rond.

Qawi a retira na 1998 na edad

di 46 aña cu un record di 41-11-1 y 25 knockout. El a ser introduci den e Salon di Fama di Boxeo Internacional na 2004.

Despues di su retiro for di ring, el a traha como un entrenador di boxeo, defensor di hubentud y consehero di droga y alcohol.

Shaq tin 30 aña ta renobando canchanan di basketball



(AP) — Shaquille O’Neal sa exactamente con hopi un renobacion di cancha di basketball por nifica pa un comunidad y e muchanan cu ta hunga riba dje.

El a siña directamente for di su compañero di ekipo di Boston Celtics anterior Marquis Daniels. E tabata un hoben tres decada pasa ora O’Neal tabata hunga cu Or-

lando Magic y a reconstrui un cancha den e area di centro di ciudad caminda Daniels tabata lanta.

“E tabata grandi. E tabata un hende creciendo cu mi tabata mira, e tabata e persona di mas halto cu mi a yega di mira,” Daniels a bisa AP. “E tabata hunga cu mi ekipo di cas Orlando Magic y duna back na e comunidad y mus-

tra su aprecio. Pa muchanan manera ami tin un cancha den e ciudad tabata enorme.”

Añanan despues ora nan tabata compañeronan di ekipo na Boston, Daniels a recorda e Hall of Famer cu e tabata na e dedicacion di corte y con esey a yuda cambia su bida. Despues di un carera di 10 aña den NBA, Daniels ta trahando como un coach na

su alma mater Auburn for di 2018.

O’Neal a recorda con Daniels a cont’e storia

“El a bisa, bo no ta corda riba mi?” O’Neal a bisa mientras e tabata na Rockwell, Texas, pa renoba un otro cancha cerca di su cas nobo. “Mi a bisa no, y el a bisa bon mi tabata un di e muchanan cu a lanta na Orlando y bo a drecha un cancha. Pasobra bo a drecha esaki, mi ta aki.”

Renobando canchanan ta algo comun rond di NBA y WNBA. The Indiana Fever a revela un Legacy Court nobo na un parke local na Indianapolis durante e weekend di All-Star y e liga tin un iniciativa e aña aki pa pone liñanan oraño den henter e pais pa inspira hungadornan jong cu un arco di 3 punto di WNBA riba canchanan pafor.

E cancha renoba na Gloria Williams park awor ta parti di un coleccion di Comebaq Courts, un empresa conhunto di Icy Hot y e Fundacion Shaquille O’Neal pa construi canchanan bon ekipa y sigur pa muchanan rond di e pais. “Nan a haya e corte aki cu no a ser renoba pa un tempo y esey ta historico pa e ciudad,”

O’Neal a bisa.

Renoba un na Rockwall tabata en realidad e idea di e strea di Dallas Wings Arike Ogunbowale. El a hunga henter su carera na Dallas y kier a haci algo pa e comunidad.

“Esaki ta manera mi di dos cas. Mi tabata aki henter mi carera, pues e iniciativa aki cu Icy Hot y Shaq tabata un ‘no-brainer’,” el a bisa. “Djis pa duna back na e hubentud apoya nos y mi compañeronan tur anochi ta special.”

E ta special pa O’Neal tambe ya cu e tin planea pa pasa hopi di su tempo den e ciudad di Texas.

“Mi ta bay subi riba mi scooter of motocicleta chikito y djis core pasa y wak kico ta pasando cu e muchanan,” el a bisa. “Mi ta traha na Atlanta, pero ta solamente un vuelo di un ora y mi ta sigur cu na dado momento esaki lo ta mi cas permanente.”

O’Neal, kende ta e presidente di Reebok Basketball, tambe a duna sapato di basketball na tur e miembronan di e muchanan di Boys & Girls Club cu tabata na e evento.

Summer McIntosh di Canada ta gana dos medaya di oro den dos dia na e campeonato mundial di landamento

(AP) — Dos dia. Dos medaya di oro. Summer McIntosh ta bay cu un comienso perfecto na e campeonato mundial di landamento den su intento pa gana cinco medaya di oro individual, un logro cu solamente e leyenda Mericano Michael Phelps a yega.

E Canades di 18 aña a tuma e medley individual di 200 meter dialuna, cu un ora di 2:06.69. E victoria a cuadra cu e oro cu el a gana diadomingo den e 400 freestyle. Alex Walsh di Merca a reclama e plata den 2:08.58 cu brons bayendo pa Mary-Sophie Harvey di Canada den 2:09.15.

E tempo di victoria tabata tras di e record mundial di McIntosh di 2:05.70. Y e no tabata contento.

“Drentando awe nochi, mi meta tabata pa pone mi man riba e muraya prome,” McIntosh a bisa. “Pues pa haci esey ta bon. Mi no ta super contento cu mi tempo. Pero honestamente, na un campeonato mundial, mi meta ta djis pa bay mas liher cu mi por contra mi competidornan. Ainda contento cu e oro y sperando di sigui cu mi racha e siguiente biaha.”

Yu Zidi, un Chines di 12 aña, a termina na di cuater lugar den 2:09.21, faltando djis un medaya mientras e ta asombra e mundo di landamento cu su tempo. E mester com-



peti tambe den e 400 IM y 200 barbulet, probablemente su eventonan mas fuerte.

McIntosh lo persigui tres oro mas den e 400 IM, 800 liber y e 200 barbulet durante e proximo seis dianan na Singapur.

Gretchen Walsh a kibra dialuna cu e prome oro na Singapur pa Merca, tumando e 100 barbulet den 54.73.

E medayista di plata un aña pasa na Paris, Walsh tabata un tiki afo di su tempo record mundial di 54.60 set na comienso di e aña aki. Roos Vanotterdijk di Belgica a bay cu plata na 55.84 y Alexandria Perkins di Australia a reclama brons na 56.33.

Walsh a reconoce den un entrevista despues di careda na banda di piscina cu e ekipo Mericano a ser asota cu un atake di loke oficialnan di e

ekipo a yama “gastroenteritis agudo.” El a ser busca na un campo di entrenamiento na Thailand prome cu el a yega na Singapur. Oficialnan Mericano a confirma e brote pero a duna tiki detaye y no a menciona nomber di landador ni bisa cuanto a keda afecta.

“Cu e malesa cu ta pasando — mi a enfrenta esaki e ultimo par di dianan — mi culpa a caba di ta fragil, y mi ta kere cu mi mester a duna mi mes gracia,” Walsh a bisa. “Afortunadamente, mi tabatin e mainta pa recupera y sosega, y mi a usa esey, y esey a yuda mi enormemente drentando awe nochi, pues mi a purba di saca lo maximo for di dje.

“E no tabata facil, y mi ta djis realmente orguyoso di mi mes,” Walsh a agrega, entusiasma di ta bou di 55 seconde. “E tabata tuma hopi curashi. Mi tabata kier djis bay eynan

y hacie pa mi ekipo, djis representa e bandera bon. El a sali for di un caminda, pero mi ta realmente, realmente contento.”

Walsh su ruman muher mayo Alex tabata casi pareu cu McIntosh despues di 150 meter, landando un pia fuerte di pecho pa hacie un careda feroz.

“Mi tabata hopi entusiasma riba e pia di pecho,” el a bisa. “Mi por a mir’e y mi tabata sa cu mi lo gana riba dje pasobra breaststroke ta mi mihor stroke. Mi tabata hopi entusiasma y, obviamente biniendo cas riba e estilo liber, esey ta definitivamente caminda mi debilidad di mas grandi (ta).”

Dos otro final a termina e programa di dialuna.

Qin Haiyang, e campeon mundial na 2023, a derota e ganador Olimpico di Paris

Nicolo Martinenghi di Italia den e 100M pecho. Qin a marca 58.23 pa duna China su prome medaya di oro na Singapur cu e landador Italiano a termina na 58.58. Denis Petrashov di Kyrgyzstan a gana brons den 58.88.

“Mi a keda lesiona y no tabata facil pa bolbe na mi mihor,” Haiyang a bisa. “Mi ta na mihor na 70%. Probablemente mi tin suerte. Esaki definitivamente ta yuda cu mi confiansa.”

Den e 50M barbulet masculino, Maxime Grousset di Francia a supera Noe Ponti di Suisa. Grousset a marca 22.48 cu Ponti a caba na 22.51. Thomas Ceccon di Italia a bay cu brons den 22.67.

Den e cuater semifinalnan, e medayista di brons di Weganan Olimpico di Paris, Luke Hobson di Merca, a lidera 200M liber di clasificacion (1:44.80), cu e campeon di Paris David Popovici di Rumania na di cuater (1:45.02).

Hubert Kos di Hungría a encabesa un careda di 100 meter di lomba hopi lihe pa hende homber den 52.21. E Mericano Regan Smith a lidera e 100 meter di lomba femenino (58.21) dilanti di e dos biaha campeon olimpico di Australia Kaylee McKeown (58.44).

Kate Douglass di Merca a landa un mihor personal den e 100 meter di pecho (1:05.49) y lo ta e mihor den e final di diamars.

Wega di Bristol Motor Speedway ta surpasa 85.000 den benta di carchi; lo kibra record di asistencia di MLB

(AP) — E Speedway Classic lo kibra e record di asistencia di un solo wega y temporada regular di Major League Baseball.

E wega entre Cincinnati Reds y Atlanta Braves, cu lo ser hunga diasabra na Bristol Motor Speedway, ya a bende mas di 85.000 ticket. E prome wega di Liga Mericano of Nacional cu a yega di ser hunga na Tennessee lo surpasa e record anterior di asistencia paga di 84.587, estableci riba 12 di september 1954, ora cu

Cleveland Stadium tabata anfitrión di New York Yankees.

E Speedway Classic lo conta cu concurso prome cu wega di e Marina di Merca y un prome lansamento ceremonial entre dos Hall of Famers: Chipper Jones (Braves) pa Johnny Bench (Reds).

E wega tambe lo inclui un dia completo di presentacionnan musical, cu Tim McGraw, Pitbull y Jake Owen subi-endo escenario pa nan concierto.



Opinion skirbi pa Gregorio Wolff y Michiel G. Croes

Den sindicalismo eCodigo di bon Gobernacion tambe ta conta

Den sindicalismo tambe ta existi e codigo di bon gobernacion y cual mester ta na analogia di e pensamiento den mundo politico, con e gobernante ta eherce su trabao ariba tereno politico den e mihor forma y tene cuenta cu reglanan democratico y otro reglanan di decencia. Esakinan igualmente mester conta pa e lider sindical ora e ta eherce su funcion como lider. E funcionamiento di e lider sindical mester ta na interes di e miembronan, di e clase trahador y di pueblo en general.

SEPPA tin su meta pa salbuardia y promove e interes di su miembronan y nan famia. Tambe pa desplega=pone den practica e actividadnan economico, politico, social y cultural di su miembronan en particular y di e clase trahador en general.

Esaki cu e anhelo pa yega na bienestar total di su miembronan y logra e unidad bao su miembronan

Dirigenten di SEPPA no ta cumpliendo cu e código di bon Gobernacion/Administracion
E bon Gobernacion/Administracion ta nifica cu lidernan mester respeta e constitucion=statutonan di SEPPA.

Pa loke ta democracia sindical, primordialmente mester respeta loke e statutonan di su sindicato ta bisa, aserca tin otro reglanan, laga nos yama nan e reglanan di decencia esta duna informacionnan correcto y completo, ora di eleccion. Democracia no ta algo opcional cu e aña aki o aki 3 aña ta cumpli cu ne y otro biahanan no. Pakico, pasobra democracia ta e fundeshi di nos estado di derecho social.

Den SEPPA, articulan 10 y 15 ta papia bon cla ki ora y con ta tene eleccionnan.

E statutonan ta bisa cu cada 3 aña ariba e ultimo dia di e congreso anual ta tene e eleccionnan. Ora bo lesa e declaracion di sra M Brito pa loke ta e eleccion di 11 di juli 2025, e ta bisa cu ta congreso=delegadonan a pidi pa tene eleccion pa directiva. Pues sra Brito ta bay contra e constitucion di SEPPA, no ta aplica e statutonan di SEPPA cualnan ta dicta con y ki ora,

e eleccion ta tuma lugar. E posicion di delegadonan ta di comprende.

Nan sa cu no tin directiva y hopi tempo no a tene eleccion, pesey nan peticion pa tene eleccion, pero esaki mester ta di acuerdo cu statutonan, no opcional manera por lesa for di declaracionnan di M. Brito, secretario general, kende ta kere cu e por hacie na un otro forma. E conclusion cu tur miembro mester saca ta, cu e eleccion di directiva SEPPA di 11 juli 2025 ta ilegal.

Siguiendo e statutonan y revistanan di fin di aña di SEPPA, claramente tur hende ta conclui cu for di e congreso anual di 2013 no a tene eleccion mas den SEPPA.

Awor ora analisa e posicion di M Brito cu tin 25 aña como e lider máximo di SEPPA, No por . Un reaccion hopi tendi e ultimo tempo ta, cu e sra aki ta kere cu su interpretacion di su eleccion como Secretario General di 12 aña pasa, ta "FOR EVER".

Den SEPPA, Directiva mester controla e maneho di Comité Ehecutivo

Otro asunto cu miembronan mester cay ariba dje ta e trabaoan di directiva y di Comité ehecutivo. Nos por bisa cu for di 5 februari 2010, SEPPA tin un estructura profesional, unda tin un distincion=diferencia entre Directiva y Comité Ehecutivo. Sigur pa loke ta e trabaoan cu cada órgano mester cumpli cu nan.

Dos organonan apart di otro. Den cierto sentido manera nos conoce na casi tur pais di mundo, esta un gobierno cu su ministronan kendenan ta ehecuta e trabaoan pa goberna y un parlamento pa controla e gobernacion y acerca traha leyman.

Den SEPPA esencialmente e ta igualito. Comité Ehecutivo cu ta haci e trabaoan manera reuni cu otro instancianan, negocia condicionnan di trabao pa su miembronan, atende asunto di miembronan y ehecuta otro trabaoan cu tin di haber cu e miembronan, importante ta pa duna informacion na miembronan, tambe e maneho financiero di e sindicato ta den man di e Comité ehecutivo.

E directiva di SEPPA, según

articulo 19, ta controla e maneho hiba dor di e Comité Ehecutivo, special acento ta wordo duna na e control ariba e maneho financiero hiba dor di Comité Ehecutivo. Pa na final duna Decharge na Comité Ehecutivo, cual ta aproba y kita e responsabilidad di e maneho financiero hiba dor di e Tesorero y Secretario General.

Si no tin directiva no tin decharge duna, "mas claro no canta un gayo", pues e Tesorero y Secretario General ta keda responsable y mester duna cuenta.

SEPPA tin un deficiencia democratico
Informacion cu nos tin ta cu desde 2014 e directiva eligen congreso 2013 ya no a funciona optimalmente. Ora bo lesa e revistanan di SEPPA na final di aña 2016 te cu 2019, bo no ta lesa cu tabatin eleccion pa un directiva.

Despues di 2019 no tin informacionnan di fin di aña. Solamente den prensa ta Sali invitacion pa e brindis/fiesta di fin di aña. E revistanan ta papia cada biaha cu no tin candidatonan pa eleccion di directiva. Otro biaha e directiva cu no ta existi no a percura pa candidatonan y otro storianan cu no tin candidato.

Lubidando cu ta trabao di Comité Ehecutivo (Secretario General) pa ehecuta e trabaoan aki. Pe. dor di saca informacionnan pa informa miembronan cu ta bay tene eleccion, ta rondea candidatonan. Ta bisa ki dia e eleccion ta y kendenan ta candidato. Nada no a sosode. Despues di 2019 nos como miembro no a ricibi revista mas. Pues lesando e revistanan di final di aña, for di 2013 no tabatin eleccion mas.

Akinan e rabo di porco ta krul. Con a para cu e decharge nan, cu eleccionnan? Laga nos yame den un forma bunita, SEPPA tin un deficiencia democrático=falta di democracia, sigur después di 2016. Falta di democracia ta haci cu no tin control arriba e maneho di Comité Ehecutivo.

Comparacion di e parlamentario de Meza kende ta haci trabaoan di ministro, cu e directiva di SEPPA (spiritu) cu ta ehecuta trabaoan di Comité Ehecutivo

Ora nos haci comparacion cu gobernacion na Aruba awor aki nos ta wak un bon comparacion.

M. de Meza, parlamentario según e lider di e partido berde den gobernacion y di otro lidernan di e partido aki ta bisa cu awor ta e parlamentario M. de Meza ta bay ehecuta e trabaoan di e ministerio di Infraestructura, di Medio Ambiente y di Energia, cu parlamento a designa na Baba Herde, un persona cu estudio Universitario. Pues na Aruba no tin Trias Politica mas.

Mesun cos nos ta lesa for di e revistanan di SEPPA, varios aña tras di otro, cu no a haya e candidatonan pa directiva, awor nos ta lesa den Diario di 11 juli 2025, cu directiva ta bay den ehecucion di trabaoan hunto cu Comité Ehecutivo.

AYNOOOO, AYNOOOO, Aruba Quo Vadiz

Parce cu e miembronan di directiva di CAPA a suspende "COMMON SENSE"

Pa loke ta e caso cu Comision 11 a gana den corte, un hurista cu a wordo saca for di orden di Abogadonan a bisa comision 11 cu directiva di CAPA ta bay cu e caso na Corte di Apelacion. Nos ta haya e siguiente situacion: Den statutonan di CAPA ta poni cu directiva mester duna comision 11 e registro di miembronan; Jues den prome instancia a dicta cu directiva di CAPA mester duna Comision 11 e registro di miembronan; Den e ley cu ta para e reglanan concerniendo Asosacionnan di Cooperativismo na Aruba AB 1987 no. GT 8, bao articulo 11 tin mesun stipulacion cu Statutonan di CAPA. Pues, según e ley aki tambe ta dicta cu directiva di CAPA mester duna Comision 11 e registro di miembronan.

Directiva di CAPA no tin ningun chens di gana e caso den Corte di Apelacion. E tres puntonan menciona prome ta indica cu e miembronan di Directiva di CAPA no por pensa normal mas, nan no tin "Common Sense". E registro di miembronan ta pa comision 11 tin nomber, adres y email di miembronan, pa nan firma e peticion na directiva di CAPA pa tene un reunion general pa duna informacionnan ariba e ladroncia di F 382.000,=.

Manipula pa no entrega e registro di miembronan ta pone tur hende cu "dosplaca di tino" pensa, cu Tesorero M. Brito y directiva di CAPA tin cosnan scondi y ta sigui tarda e entrega. E hurista sigur lo wordo bon paga y e tesorero lo bisa cu e placa no ta Sali for di su saco, pero for di e cuentanan di miembronan di CAPA.

Cu e ley, AB 1987 no. GT 8, den su articulo 21; lid a, ta bisa cu Violacion di e ley aki ta un sorto di delito cometi dor di dirigenten di un Cooperativa. Den e caso aki, e miembronan di directiva di CAPA, por wordo castiga cu un multa si nan no cumpli cu e entrega di e registro di miembronan.

Esaki sigur lo bira un peticion di comision 11 na Corte di Apelacion pa castiga e miembronan di directiva di CAPA, durante e tratamiento di e caso di apelacion.

Comision pa Restaura Democracia den SEPPA, C.R.D.S.

Teniendo cuenta cu tur e desviacionnan di e secretario General di SEPPA, e baymento tras di SEPPA, si nos tuma na consideracion:

No tin un bon maneho di acuerdo cu e codigo di bon Gobernacion/administracion;
Tin un deficiencia grandi di democracia;
No ta respeta pa statutonan;
Hopi aña, no tin directiva, pues no tin control ariba e maneho di Comité Ehecutivo;
Hopi aña, no tin control ariba e finanzas di SEPPA y no tin Decharge duna.

Pues e maneho di e Secretario General actual ta hibanando SEPPA atras, dia pa dia. Sigur e tin e apoyo di + 5% di miembronan, su hendenan ront di dje. Pero e mayoria aplastante, cu ta miembronan conciente y cu ta pensa ta pidiendo cambio grandi den SEPPA.

Miembronan conciente di SEPPA a lanta un comision: Comision pa Restaura Democracia den SEPPA, C.R.D.S. Ora e temporada di vacacion pasa, e campana ta bay start.

Nota di redaccion: E articulo aki ta opinion di e autor y no ta representa opinion di Bon Dia Aruba.

Auto a perde control dal palo di luz, causa daño y bandona e sitio

Diadomingo a drenta informe di un accidente na Turibana, mesora a dirigi un patruya na e sitio.

Na yegada di e patruya a bin compronde cu aki ta trata di un accidente hit & run riba un palo di luz causando daño lagando e sitio sin coriente.

ELMAR a presenta pa asina repara e daño y polis a keda di revisa e grabacion di camaranan den vecindario.



Chauffeur no a regula su velocidad ni a mantene distancia a bay dal tras di auto

Diadomingo anochi a drenta informe di un accidente na e rotonde Balashi, mesora a dirigi un patruya na e sitio.

Na yegada di e patruya a bin compronde cu aki ta trata di un accidente

unda cu un chauffeur biniendo cu velocidad halto a bay dal tras di e auto su dilanti.

Afortunadamente ningun hende a resulta herida.



Chauffeur no a regula su velocidad ni mantene distancia y a dal tras di e auto su dilanti

Diadomingo atardi a drenta informe di un accidente na e rotonde Palm Beach, mesora a dirigi un patruya na e sitio.

Na yegada di e patruya a bin compronde cu aki ta trata di un accidente unda cu e chauffeur di un Honda Inspire no a regula su velocidad ni a mantene distancia a bay dal tras di un Neta V.



Afortunadamente ningun hende a resulta herida.



Chauffeur ta perde control drenta mondi cu un UTV durante un 'off-road' trip



Diadomingo atardi a drenta informe di cu un UTV a perde control drenta mondi y a keda pega.


Como cu no tabatin ningun hende herida entre nan mes cu amigonan a ranca esaki afo y a sigui cu nan trip!

Brake a faya y un Nissan Tiida a bay dal tras di un Hyundai Tucson lagando un hende herida

Diasabra anochi a drenta informe di un accidente cu hende herida na San Miguel, mesora a dirigi tanto polis como ambulance na e sitio.

Na yegada di e patruya a bin compronde cu aki ta trata di un accidente unda un Nissan Tiida un di su brakenan a faya y a bay dal tras di un Hyundai Tucson. Debi na e fuerte impacto e chauffeur di e Tiida a resulta herida.

Na yegada di e ambulance nan a atende e victima.



Chauffeur a sigui stret riba Italiëstraat y subi e “median” dal borchí trafico



Diasabra madruga a drenta informe di un accidente pabao di Sun Plaza riba E.J. “Watty” Vos blvd., mesora a dirigi un patruya na e sitio.

Na yegada di e patruya a bin compronde cu e auto tabata biniendo di Italiëstraat pasa door di fin di caminda subi Schotlandstraat, bay subi e “median” dal borchí trafico di e otro banda. E chauffeur mes a bandona e sitio, lagando su celular atras. El a causa bastante daño na e sitio.

Como cu e chauffeur no t’ey, polis a confisca e auto y e celular.



Persona a pasa su man door di glas y herida durante discusion



Diadomingo merdia a drenta informe di cu na Kibaima un dama a corta su man y ta sangrando, mesora a dirigi un ambulance na e sitio.

Na yegada di e ambulance a bin compronde cu durante di un discusion, e persona a pasa su man door di un glas y el a corta su mes.

Nan a atend’e y a conseh’e pa e bay hospital cu su mesun transporte.

Na Pos Chikito un auto den cura sin number a pega na candela den forma misterioso



Diasabra madruga a drenta informe di cu tin un auto na candela den un cura di cas, mesora a dirigi bomberonan na e sitio.

Na nan yegada a nota cu aki ta trata di un Mitsubishi Lancer para den cura sin number cual ya caba tabata full na candela y tambe a causa daño na un otro auto su dilanti.

Bomberonan a logra domina y paga e candela.



Houthis di Yemen ta menasa di escala atake riba barconan liga na
companionan cu ta trata cu Israel

(AP) — E grupo rebelde Houthi na Yemen a bisa cu e lo dirigi riba barconan comercial cu ta pertenece na cualkier compania cu ta haci negoshi cu wafnan di Israel, sin importa e nacionalidad, como parti di loke el a describi como e siguiente fase di su operacionnan contra Israel.

E Houthis respalda pa Iran a lansa un campaña dirigi riba barconan comercial como contesta na e guerra Israel-Hamas den e Franha di Gaza, bisando cu nan tabata haci esaki den solidaridad cu e pueblo Palestino. Nan atakenan durante e ultimo dos añanan a stroba e barconan den Lama cora, door di cua



\$1 triyon di mercancia ta pasa tur aña.

Den un anuncio diadomingo

anochi laat, e Houthinan a bisa cu nan a “dicidi di escala nan operacionnan di sosten

militar y cuminsa implementa e di cuater fase di e bloqueo naval” contra Israel.

bloqueo riba e teritorio Pales-
tino “si nan kier evita e esca-
lacion aki.”

Na cuminsamento di e luna aki, e Houthinan a ataca y sink dos barco di transporte di granel cu bandera di Liberia, propiedad di Griego – e Magic Seas y e Eternity C. E atake riba e ultimo a laga cuater miembro di tripulacion morto y 11 mas a ser tuma cautivo, mientras cu tur 22 miembro di tripulacion di Magic Seas a sink prome cu e barco a sink.

For di november 2023 pa december 2024, e Houthi a dirigi mas cu 100 barco cu misil y drone. E rebeldenan a stop nan atakenan durante un paro di candela cortico den guerra y despues a bira e obhetivo di un campaña intenso di atake aereo di simannan largo ordena pa presidente di Merca Donald Trump.

Na mei, Merca a anuncia un acuerdo cu e Houthis pa caba cu e atakenan aereo a cambio di un fin na atakenan di barco, aunke e grupo rebelde a bisa cu e acuerdo no ta inclui stop di atakenan riba metanan cu e ta kere tabata alinia cu Israel.

Resultado Sorteo Juli 28		Cadena Alexander Lottery ta presenta resultado di weganan di suerte	
DIARIO 1674 2273 5572		KORSOU 5162 8975 4805	
SUPER4 6159 SUPER5 -		FLAMINGO 7513 9503 0402	
MERDIA		ANOCHI	
CATACHI Sorteo # 4694 4524 7173 4221 MULTI-X FP BIG 4 Sorteo # 4694 8775 MULTI-X X2 1OFF Sorteo # 2750 4212 ZODIAC Sorteo # 4694 9957 Geminis LUCKY 3 Sorteo # 1568 878 MULTI-X X3		CATACHI Sorteo # 8607 4999 8129 1409 MULTI-X X2 BIG 4 Sorteo # 7651 0452 MULTI-X X2 1OFF Sorteo # 2356 4196 ZODIAC Sorteo # 6410 3794 Taurus LUCKY 3 Sorteo # 1340 576 MULTI-X X2	
LOTTO 5 Sorteo # 0 x Jackpot 0 x Match 4+ 0 x Match 4 0 x Afl. 12,00		Joker Letter Proximo Jackpot 300.000,-	
LOTTO DIA Sorteo # 6900 0 x Jackpot 5 x Match 4 126 x Afl 8,00		01-10-11-17-26 Proximo Jackpot 60.000,-	
MEGA Sorteo # 0 x Jackpot 0 x match 4 0 x Afl. 500,00 0 x Afl 50,00 0 x Afl.15,00		Mega Ball Proximo Jackpot 300.000,-	
MEGA Afl. 440.000,-		MEGA Sorteo # Sorteo #	
KORSOU Sorteo # Sorteo #		Sorteo # 215 231938 #VALUE!	

SUDOKU

To play sudoku, use logic to fill the empty squares so that each row, each column and each 3x3 box contains the numbers 1-9 only once. Puzzle difficulty increases from Monday to Sunday.

King Classic Sudoku

		7			8	1		9
		3	9	4		6		2
9	6			5	1		4	8
3				1	2		6	4
	8		4		5			1
	2		8					
				8				5
5	4			7		2	8	6
2		8	5		6			

Difficulty: ★★

7/29

Answer to previous puzzle

1	6	4	5	7	3	8	9	2
2	5	3	8	4	9	1	6	7
7	8	9	1	2	6	3	4	5
4	1	2	6	8	7	5	3	9
5	3	7	9	1	2	6	8	4
6	9	8	4	3	5	7	2	1
9	2	6	3	5	1	4	7	8
8	7	1	2	6	4	9	5	3
3	4	5	7	9	8	2	1	6

Difficulty: ★

7/2





Cas Di Cultura

Vondellaan 2 Aruba
297-582-1010

F A D A

Campanastraat 5 Aruba
297-583-2999
297-583-9610

F A V I

Primavera 233 Aruba
297-582-5051
297-582-5222

F E P O

Engelandstraat 15 Aruba
297-583-1016
297-583-6607

**Fundacion Contra
Violencia Relacional**
Tel: 583-5400

**Fundacion Autismo
Aruba**

Irenestraat 21 Aruba
297-588-1179

**Fundacion Pa Nos
Muchanan**

Cumana 2 Aruba
297-583-4247

**Fundacion Tel Pa
Hubentud**

Wilhelminastraat 19
Aruba
297-588-6138

**Koningin Wilhelmina
Fonds**

Spinozastraat 9 Aruba
297-582-0412

Mary Joan Foundation

Sabana Blanco 8 Aruba

297-588-9999

Rode Kruis Aruba

Pedro Gallegostraat 14

Tel.297-582-2219

Fax 588-3376

Famia Planea (SBVO)

Avenida Milio J Croes 17
B Aruba
297-588-9591
www.famiaplanea.org
famiaplanea@hotmail.com

**Stichting Fundacion
Guia Mi**

George Madurostraat 34
297-582-0088

Y M C A

Calbasstraat 1 Aruba
297-582-3072

AL-ANON group

Sabana Liber #8, Noord
(close to the hotels)
Tel: 736-2952 or
593-7081



Dokter na warda

Oranjestad San Nicolas
Hospital Imsan
7:00 pm / 10:00 pm 24 ora

Botica na warda

Oranjestad: San Nicolas:
Paradera : Centro Medico:
Tel. 588 6638 Tel. 584 5794
EMERGENCIA 911

POLIS

Oranjestad 100
San Nicolas 104
Santa Cruz 105
Noord 107
Tip Line 11141
Brandweer 115
Ambulance 911
Hospital 527-4000
Imsan 524-8833
Warda Costa 913
Seguridad Nacional 11911
Cruz Cora 582-2219

BOTICA

Aloe 584-4606
4 Centro Medico 584-5794
Central 585-1965
Dakota 588-7364
Del Pueblo 582-1253
Eagle 587-9011
Kibrahacha 583-4908
Maria 585-8145
Di Servicio Noord 586-4606
Oduber 582-1780
Paradera 588-6638
San Lucas 584-5119
Santa Anna 586-8181
Santa Cruz 585-8028
Sero Preto 584-4833
Trupial 583-8560

UTILIDAD

Setar 117
Web 525-4600
Elmar 523-7147

FUNERARIA

Aurora 588-6699
Royal Funeral H. 586-4444
Ad Patres 584-2299
Olive Tree 584-8888

Servicio di Taxi

**Aruba Transfer Tour &
Taxi C.A.**
Tel: 582 2116 /582 2010

Taxi Adres Services (24h)
Tel. 587 5900

A1 Taxi Services Aruba
Tel: 587-8850
Tel: 280-2828
Whatsapp: 592-7024

Tailandia ta crea “safe space” pa mascotanan ken su doño a huy di violencia na frontera

(AP) - Mientras residen-
tenan na e frontera di
Tailandia y Cambodia a
huy for di e bataya andan-
do, varios a purba bay cu
nan mascota. Sinembargo
pa esnan cu no por a haci
esaki, oficialnan a duna
un man pa yuda.

Tailandia su Livestock De-
partment a pidi su oficial-
nan local provee un espacio
safe pa e bestianan kende su
doñonan mester a evacua, y



e oficina den varios provin-
cia na e frontera a anuncia cu
nan tabata cla pa haci esaki.

Na e provincia Surin, varios
haua a ser poni bao carpa
dilanti Livestock Breeding
and Research Center como
espacio temporario. 5 cacho

y 2 pushi tabata kedando na
e centro diadomingo. E ca-
pacidad ta te alrededor di 20
bestia.

Sornchai Kongsook, direc-
tor di e centro, a bisa cu e
doñonan por laga nan mas-
cota gratuitamente, pero nan
mester por bishita tur dia pa
cuida di e bestia. “Nos a habri
nos espacio pa pushi y cacho
cu e residentenan of agricul-
tor no por hiba un centro di
evacuacion,” el a comenta.
“Tambe tin algun dono cu
a scoge di keda na un hotel,
cual no ta permiti mascota.”

El a bisa cu tambe ta permiti
ganado, aunke ningun a ser
laga te ainda. Oficialnan a
prepara cuminda pa distri-
bui na bacanan y bestianan
similar cu a ser laga atras den
zonan di peligro. Varios
Tailandes bibando na parti
noord-oost ta agricultor y
usualmente tin ganado. Vari-
os di nan ta cana den e veld
na areanan cu awo ta desierto.

E chokenan arma entre
Tailandia y Cambodia desde
siman pasa a laga decenas di
persona morto y a desplasa
miles.



Aurora

Royal Pray


Funeral Home & Crematory

Psalm 23:
The LORD is my shepherd; I shall not want.

He makes me lie down in green pastures; He leads me beside quiet waters.

He restores my soul; He guides me in the paths of righteousness for the sake of His name.

Even though I walk through the valley of the shadow of death, I will fear no evil, for You are with me; Your rod and Your staff, they comfort me.



Cu profundo tristeza, nos ta anuncia fayecimento di

Francis A. Franca

Mihor conoci como: "Teng, Tanch, Boss"

*13-09-1947 †22-07-2025

Yiu di: †Francis (Frankie) Franca & Josefa Franca - Henriquez

Na number di su:

Yiunan:

Jeremy & Suyin

Iza & Zoë

Jerianne

Marc

Chris & Xaviera

Xara & Fynn

Manera Yui: Jady-Ann Kelly

Mama di su yiunan: Shirley Geerman

Ruman nan:

Michael Dos Ramos

Victor† y Zelda Franca - Solognier

Dora Franca y famia

Gerald Franca y Mireille Lacle

Marcia Tromp- Franca y Thomas Tromp

Charlene Malmberg- Franca y Maurits Malmberg

Irwin Franca y Sandra Franca- Montoya

†Anthony (Tony) Franca y famia

Elizabeth (Liz) Franca y famia

Lilian Martis-Franca y Mito Martis

Primo/Ruman: Jessica Molina-Vrolijk, Gregory Vrolijk, Jeffrey Vrolijk,

Tanta nan y Omo:

† Leandro (Dedechi) Henriquez

† Eda Vrolijk- Henriquez

Maria Henriquez

Sobrino / Sobrina nan cu nan respectivo famia:

Masana, Candice, Ferdinand, Francine, Franlucic, Selvic, Stacey, Tatiana, Janine, Ryan, Bryan, Jerrelly, Ulrich, Ulrika, Uleike, Maurits Jr., Maurelyn, † Marvin, Irwin Junior, Sean, Nicole, Nicolette, Mikeco, Josefa (Josy)& Justin.

Tur su sobre subrino nan cu nan respectivo famia nan.

Primo/Primanan cu nan respectivo famia nan:

Leandro Henriquez, Evelyn Tromp-Henriquez, Lita Landa-Henriquez, Ilse Pedro-Henriquez, †Cynthia Henriquez, Gilbert Christian, Gerald Christian.

Tur su ihadonan:

Ulrich Tromp, Ferdinand Franca, Selvic Franca & Julio Wever

Manera Ruman:

Elaine Geerman

Jacqueline Geeman

Astrid Rincones

Cu hopi agradecimento na su bisiña stimá: Sra Libia Ruiz

Demas famia: Franca, Henriquez, Croes, Geerman, Vos, Schoop, Hurtado, Dos Ramos, Solognier, Lacle, Tromp, Malmberg, Montoya, Martis, Vrolijk, Croes, Habibe, Arends, Eman, Molina, Christian, Kelly, Hessels, Leest, Landa, Maduro, Da Silva, Bradshaw, Dennert, Nieuwkerk, Flores, Amaya, Wolter, Marin, De Freitas, Carner, Reed, Carew, Miljkovic, Miguez , Clark, Christian y demas famia nan na Canada, USA, Inglaterra, Jamaica & Trinidad

Tur su amigo/a nan di Djiespie's Place & Bright Bakery

Su Team Stimá RCA pa BIDA

Si den nos tristeza nos por a lubida algun famia, amigo of ser kerí, nos sincero disculpa.

Nos ta lamenta cu despues di entierro, nos no ta ricibi bishita na cas. **Condolencia** lo tuma lugar diahuebs 31 di Juli 2025 di 7:00 pm pa 9:00 pm na Aurora Funeral Home

Acto di entierro lo tuma lugar Diabierna 01 di Augustus 2025 di 2pm pa 4 pm na Misa Pro Catedral San Francisco di Asis y despues lo sali bai pa santana catolico na Playa .

Aurora

Royal Pray

Funeral Home & Crematory

**"Señor ta mi wardador, mi'n tin falta di nada
Den cunucu di yerba berde e ta ponemi sosega.
E ta hibami na awa trankil,
Pa mi bolbe haña forsa".**

Salmo: 23

Nos ta anuncia fayecimento di:



Renita C. F. Blindeling-Hickinson

*13-03-1966 †21-07-2025

Na number di su:

Esposu: Jhonswin M. Blindeling "Johnny Curacao"

Mama: † Rosita Etienne

Tur su Rumannan na Curacao, Merca

Sobrino(a)nan na Merca

Omonan y Tantanan Hulanda

Suegra(o) su swa y cuñanan

Primo y primanan, amigo y amiganan

Coleganan di HOH

Y Demas famianan

Dispensa nos si den nos tristeza nos por a lubida un of otro persona

Ta invita pa e acto di despedida cu lo tuma lugar Diamars 29 di Juli 2025 na Aurora Funeral Home di 7:00 pm pa 9:00 pm

Aurora

Royal Pray

Funeral Home & Crematory

**"Dios ta amor... y amor ta
Dios, maske mi no ta na e
mundo aki, tur dia lo mi ta
banda di boso curason, mi por
steun di loke Señor ta haci"**

Salmo 33

Cu dolor na nos curason, nos ta participa fayecimento inespere di nos ser stima:



Sr. Walter M. Van der Biezen

*28-02-1964 - †21-07-2025

Acto di entierro lo wordo anuncia despues

Aurora

Royal Pray

Funeral Home & Crematory

Despues di un lucha di 6 aña, mi curpa a cansa y mi ta bai sosega.

Mateo 4:18-21

Hesus tabata kana un bia kantu di lago di Galilea. El a mira dos ruman piskadó, esta Simon, tambe yamá Pedro, i Andreas. Nan tabata tira reda den lago. Hesus a bisa nan: 'Sigui Mi i Mi ta hasi boso piskadó di hende.' Nan no a perdè pa gana, mesora nan a laga nan reda para siguiE. Hesus a sigui kana un poko mas leu i a mira dos otro ruman, Hakobo i Huan, yu di Zebedeo. Nan tabata sintá den boto ta prepará nan reda huntú ku nan tata. Hesus a yama nan i a bisa nan siguiE.



Cu profundo tristeza pero conforme cu boluntad di Dios, nos ta anuncia fayecimento di

Segunda Mathilda Laclé-Flanegin

Mihor conoci como Thilda, Oma of Omachi, Tanchi, Tanti, Mama y Pepe
*08-09-1950 – †22-07-2025

Su casa:

Hendrik Reynaldo (Henny) Laclé

Yiunan:

Paola Laclé, yiunan y Chase

Lisette Laclé y yiu

Suzette y Darall Erasmus y yiunan

Nietonan:

Sue-Ann y Joan Danies y Kandee

Sherrianty Kelly y yiunan

Gixiana Vrolijk y yiunan

Naygel Kelly

Gixielle Vrolijk y Jean-Louis Peterson y yiunan

Gregine Vrolijk

Ganthalle Vrolijk y famia

Gislaine Vrolijk

Gendrick Laclé y Charlotte Barends y yiu

Shanley Eduwardo y Emma Harmsen

Denise Eduwardo

Bisanietonan:

Ziana, Zayden, Randall, Jerchell (su purukati), Raevann, Sèlina, Raheem,

Joah, Zoan, Zavi, Eliza-Mae y Noëz.

Su Mayornan

†Ana "Canichi" Angela-Flanegin

†Angelico "Jeje" Flanegin

Rumannan

†Vito y †Nanachi Thiel

Henrique "Chino" y Leichin Thiel

†Fernando "Elio" Flanegin

†Jan Willem "Wim" Flanegin

Angel "Chonai" y Ines Flanegin

†Jesus "Nel" Flanegin

Jan Hendrik "Jenny" Flanegin y famia

Subrino y Subrinanan

Victor Thiel y famia

Eric Thiel y famia

Robert Thiel y famia

Subrina stima: Ilienne Thiel (mi bunita)

Subrina stima: Annaly Thiel (mi mahos) y yiunan

Rayron Thiel y famia

Enry Thiel y famia

Elvis Thiel y yiu

Subrino stima manera yiu: Aldwin Flanegin y famia na Merca

Angel Flanegin y famia na Hulanda

Jereld Flanegin

Shannon Flanegin y famia

Sean Flanegin

Sam Flanegin

Ihanan:

Lica Tromp y famia,

Debbie Dabian y famia,

Jamila Williams y famia,

Angel Flanegin y famia

Atanee Hassell y famia,

Eugene Williams y famia

Famia/Hendenan di cas, di infancia y di bida:

Prima, mane' yiu: Lica y Hubert Tromp

Ruman y cuña stima: Henrique y Leichin Thiel

Ruman y cuña stima: Chonai y Ynes Flanegin

Ex Cuña, mane' ruman: Jessica Franken

Sua y cuña stima: Helen y Jaime Laclé

Prima stima, mane' yiu: Ingrid y Eric Arnaud

Amiga, mane' yiu: Sandra y Tony Laclé

Su amiga y comer stima: Jolanda Geerman

Amiga stima di infancia: Manirma y Henry Lampe

Amiga stima di infancia: Susana Maduro y famia na Hulanda

Subrina di curason: Fabiola Dixon y famia na merca

Su ayudante cu el a stima: Francisca Totasig y James

Tanta y omonan, primo y primanan, sua y cuñanan.

Demas famia, Flanegin, Laclé, Angela, Erasmus, Kelly, Danies, Vrolijk, Mitchell, Nijenhuis, Peterson, Barends, Eduwardo, Harmsen, Henriquez, Thiel, Franken, Ramos-Lanoy, Lugo, Engelen, Dirksz, Rosel, Carolina, Willems, Albertsz, Dabian, Dixon,Tromp, Hassell, Alvarado, Williams.

Un gradicimento grandi ta bay na full e Team di Dialyse Kliniek HOH,

manera e tabata yam'e: "mi trabou di 3 biahá pa siman".

Na esun cu semper el a yama su "yiu homber" verpleegkundige Darrol Pietersz

Na su zuster personal Jaycelyn Maduro pa tur su cariño, atencion y comersacionnan cual ta loke e tabata gusta mas hopi.

Un danki na Raiza Carolina pa su atencion y cooperacion.

Na tur su verpleegkundigen stima: Meredith, Edna, Natasha, Mirlenda,

Joanie, Zuki, Richie the rich, Ingrid cu semper ta dun'e un sunchi como e vitamina pa dialyse, Y demas zusters y broeders. Y special na tur su otro coleganan di Dialyse...e ta desea nan hopi forza.

Un danki special tambe na Marisela Werleman, pa su cariño y atencion y pa semper pone Mami hari y na tur su coleganan di Club Roy 50+.

Un danki grandi y special tambe ta bay na dr. Rasmijn pa tur su atencion y etica profesional, corda dr. Mami semper ta bisa: "bo ta nechi".

Ta invita pa acto di entierro cual lo tuma lugar na Royal Funeral Home diaranson 30 di Juli 2025 di 9.00 am - 13.00 pm. Despues lo sali pa Santana Catolico na Sta.Cruz

Nos ta lamenta cu despues di entierro nos no por ricibi bishita di condolencia na cas.

Nos disculpa si den nos tristesa nos por a lubida un of otro famia.

Aurora

Royal Pray

Funeral Home & Crematory

Ki alegria, ora nan a bisa mi:
"Ban cas di Señor!"
I awor, ata mi aki para na bo
porta Señor.
Salmo 122



Sra. vda. Beatrix M. Wolff-Leest
Cariñosamente yama "Mamai"
*31-07-1946 - †27-07-2025

Acto di entiero lo wordo anuncia despues

Aurora

Royal Pray

Funeral Home & Crematory

"I did it my way" Frank
Sinatra

A Fayece na bunita edad
di 89 aña:



Albert Leopold Henriquez
Mihor conoci como: "Cachi"
*19-07-1936 - †25-07-2025

Na nomber di su:
Casa:†Ingrid Helena Henriquez-Mulder

Sobrino/Sobrina
Ellsworth Henriquez,
Laurence & Allison
FJC Ricky & Rosanna Beaujon-van Dijk,
Zachary
Suzette & Robertico (Tico) Croes-Beaujon,
Deaxo & Kyle
Leo Mulder & Famia

Amigo Fiel: Harold & Martha de Miranda

Mens Tennis Club

Bon Bisiña Esther Offringa-Williams

Un danki di curazon na Cachi su cuidadornan na
Betesda Home Care y tambe Dr. Cayama.

Famia y conocirnan:
Henriquez, Mulder, Beaujon, van Dijk, Croes,
Barbour, de Veer, Koompan, Wynn, Sint,
Merryweather, van Romondt, Hollander, Kelly,
Ferrol, de Miranda.

Nos disculpa si nos a lubida algun famia y amigonan.
Ta disculpa nos pa no por ricibi bishita di condolencia
na cas.

Acto di despedida lo tuma lugar diaranson 30 di
Juli 2025 di 2pm pa 4 pm na Aurora Funeral Home.
Cremashion lo tuma lugar den seno familiar.

Aurora

Royal Pray

Funeral Home & Crematory

"Señor ta mi wardador, mi'n tin falta di nada.
Den cunucu di yerba berde e ta ponemi sosega.
E ta hibami na awa trankil,
pa mi bolbe haña forsa".
Salmo: 23

Nos ta anuncia fayecimento di:



Thomas P. Tromp

Acto di despedida lo wordo anuncia despues

Aurora

Royal Pray

Funeral Home & Crematory

"Señor ta mi wardador,
mi'n tin falta di nada
Den cunucu di yerba berde
e ta ponemi sosega.
E ta hibami na awa
trankil,
Pa mi bolbe haña forsa".
Salmo: 23



Miriam Francisca Simmons
Cariñosamente yama "Sunchi"
808-06-1968 - †25-07-2025

Acto di entiero lo wordo anuncia despues.

Aurora

Royal Pray

Funeral Home & Crematory

"Señor ta mi wardador, mi'n
tin falta di nada.
Den cunucu di yerba berde e ta
ponemi sosega.
E ta hibami na awa trankil,
pa mi bolbe haña forsa".
Salmo: 23



Nos ta anuncia fayecimento
di:

Venancio de Kort
Mihor conoci como: "Bobby"
*01-04-1947 - †27-07-2025

Acto di despedida lo wordo anuncia despues

Aurora

Royal Pray

Funeral Home & Crematory

Tur cos aki na mundo tin su
ora y su tempo,
Ora pa nace y ora pa muri, ora
pa yora y ora pa hari, Ora pa
keda keto y ora pa papia, ora
pa stima y ora pa odia, Ora pa
guerra y ora pa paz"
Predicador 3:1-2-4-7-8



Sra. vda. Norma M. Fabus-Maria
Cariñosamente yama "Noi of Nora"
*22-07-1951 - †25-07-2025

Acto di entiero lo wordo anuncia despues.

Aurora

Royal Pray

Funeral Home & Crematory

"Señor ta mi wardador,
mi'n tin falta di nada
Den cunucu di yerba berde
e ta ponemi sosega.
E ta hibami na awa
trankil,
Pa mi bolbe haña forsa".
Salmo: 23



Nos ta anuncia
fayecimento di:

Joël Ragino Kelly
*23-12-1981 - †26-07-2025

Acto di entiero lo wordo anuncia despues.

Aurora

Royal Pray

Funeral Home & Crematory

"Dios ta amor... y amor
ta Dios, maske mi no ta
na e mundo aki, tur dia
lo mi ta banda di boso
Curazon, mi por stens di
loke Señor ta hasi"
Salmo 33



Cu dolor na nos
curason, nos ta participa
fayecimento di nos ser
stima:

Sr. Victor M. Giel
Mihor conoci como "Toy"
*14-05-1941 - 25-07-2025

Acto di entiero lo wordo anuncia despues

Tailandia y Cambodia ta acepta alto-al-fuego “incondicional”

(AP) - Tailandia y Cambodia a acepta un alto-al-fuego “incondicional” cuminsando madrugá, segun Prome Minister di Malaysia Anwar Ibrahim a informa dialuna, marcando un logro grandi den resolucion di 5 dia di bataya mortal na e frontera, unda a laga decenas di persona morto y miles desplasa.

Cambodia su Prome Minister Hun Manet y su colega Tailandes Phumtham Wechayachai, a elogia e resultado di e reunion y a duna man na Anwar ora cu e conferencia di prensa breve na Malaysia a caba.

E bataya a cuminsa diahuebs despues di un explosion di mina cerca di e frontera, cual a laga 5 soldad Tailandes herida. Ambos banda a tira culpa na otro pa e chokenan, cual a laga por lo menos 35 persona fayeci y a desplasa mas di 260.000 persona di ambos banda.

Hun Manet y Phumtham a acepta un “alto-al-fuego inmediato y sin condicion” cu lo drenta na vigor madrugá ora local, Anwar a bisa mientras e tabata lesa un declaracion conhunto.

Anwar, ken tabata anfitrión di e dialogo como presidente anual di Association of Southeast Asian Nations su bloke regional, a bisa cu ambos banda a yega un comprension mutuo pa tuma accion pa regresa normalidad despues di loke el a yama dialogo cu honestidad.

“Esaki ta un prome paso vital den bon direccion y restauracion di pas y seguridad,” Anwar a comenta.

Como parti di e acuerdo, comandantenan militar di



ambos banda lo tene dialogo diamars pa calma e tensionan mientras cu Cambodia lo organisa un reunion cu comite di e frontera dia 4 di augustus. E ministernan di Defensa y Exterior di Malaysia, Cambodia y Tailandia tambe a ricibi instruccion di “desaroya un mecanismo detaya” pa implementa y monitor e alto-al-fuego, pa asina segura e sosten di paz, el a agrega.

Hun Manet a bisa cu e tin speransa cu lasonan bilateral por regresa normalidad pron-

to y cu alrededor di 300.000 habitante di e pueblo evacua di ambos banda por bolbe cas. “Ta ora di cuminsa reconstrui confiansa y cooperacion di awo en adelante entre Tailandia y Cambodia,” el a comenta.

Phumtham a bisa cu e resultado ta refleha “Tailandia su deseo di un resolucion di paz.”

E reunion na Malaysia a bini despues di presion directo di President Mericano, Donald

Trump, ken a adverti cu Merca no lo continua cu acuerdonan di mercado cu ambos pais si e hostilidad continua. E declaracion hunto a bisa cu Merca ta co-organisador di e dialogo, cu participacion di China. E embahadornan Chines y Mericano di Malaysia tabata presente na e reunion cu a dura mas cu 2 ora.

Secretario di Prensa di Cas Blanco Karoline Leavitt a publica e noticia di e alto-al-fuego riba X y a skirbi “President Trump a logra esaki. Dun’e un e premio Nobel Peace Prize!”

E violencia aki ta marca un ehempel poco comun di confrontacion militar entre estadonan miembro di ASEAN, un bloke regional di 10 nacion cu ta orguyoso di no usa agresion, dialogo pacifico y cooperacion economico. Ambos pais a saca nan embahador y Tailandia a cera tur frontera cu Cambodia, cu un excepcion na e empleadonan migrante di Cambodia cu tabata regresando cas.

Noticia di e alto-al-fuego a causa alivio y speransa na e evacuadonan di ambos banda.

Algun muhe na shelternan a bruma na Surin, Tailandia, a grita di alegria.

“Mi ta contento cu esey, y mi ta sinti un poco aliviá,” Usa Dasri a comenta. “Nos ta haya falta di nos cas. Tin hopi cos chikito di cual mi ta preocupa, e veldnan di aros, e cria. Mi no sa kico por a pasa cu nan. Mi kier bay cas, pues mi ta contento. Tambe mi ta pensa riba nos soldadnan luchando. Mi kier pa nan ta safe y drumi mesun bon cu nos.”

Tambe el a credita diplomacia di exterior pa e logro.

“Sin nan, nos 2 pais lo a tin dificultad den negociacion - ambos banda tabatin dificultad pa papia y compronde otro,” el a agrega.

Evacuadonan di Cambodia tabatin mesun sentimentonan.

Chhuot Nhav, di 42 aña y cu a huy for di su cas na e provincia Oddar Meanchey, a bisa cu e ta contento pero tambe cauteloso. “Mi ta contento pa motibo cu mi por bay cas y cuida di mi animalnan y mi yiunan awo por bay back scol,” Chhuot Nhav a comenta. Sinembargo el a agrega cu e lo “warda te ora e bataya realmente caba” prome cu e bay cas.

Otro agricultor Kong Sin, sinembargo, a bisa cu e lo bay cas diamars si e alto-al-fuego tuma luga manera a acorda.

E frontera di 500 miya entre Tailandia y Cambodia ta bao disputa pa varios aña caba, sinembargo confrontacionnan den pasado tabata limita y breve. E tensionnan mas recien a surgi den mei ora cu un soldad di Cambodia a perde su bida den un confrontacion cu a crea un kiebro diplomatico y a tambalia Tailandia su politicanan domestico.



Trump ta tuma accion pa kita restriccion di visa pa Argentina

(AP) - Merca y Argentina a anuncia dialuna cu nan ta trahando riba un plan pa permiti turistanan di Argentina bolbe biaha Merca sin un visa.

Esaki ta probable di tuma 2 pa 3 aña prome cu biahe sin visa birau n realidad pa esnan cu tin paspoort di Argentina, sinembargo e administracion di Trump ta trahando caba riba cuminsa e proceso, marca di muestra sosten pa presidente Javier Milei, su aliado mas grandi na Sur America y uno stima pa conservativonan rond di mundo.

E gesto aki a coincide cu e bishita di Secreatro di Seguridad Kristi Noem na Buenos Aires pa reunionnan tras portacera cu Milei y su oficialnan. Noem a firma e declaracion di intencion banda di minister di Seguridad Patricia Bullrich na Milei su oficina.

Department of Homeland Security a elogia Milei pa su trabao den reforma Argentina su politica di exterior di acuerdo cu Merca.

“Bao President Javier Milei su liderazgo, Argentina ta birando un amigo mas fuerte ainda di Merca - mas comprometi cu nunca na seguridad na e



frontera pa ambos di nos nacion,” e declaracion a cita cu Noem a bisa.

E prome paso aki den direccion di Argentina su entrada na e Visa Waiver Program, el a agrega, “ta enfatisa nos partnership fuerte cu Argentina y nos deseo mutuo di promove

biahe legal mientras cu ta combati menasanan.”

E departamento a cita Argentina como esun cu e tasa mas abao di surpasa e estadia permiti cu e visa nan Merca compara cu cualkier otro pais latinoamericano.

E anulacion di e rekisitonan riguroso pa visa Mericano - particularmente na un momento unda Presidente Mericano Donald Trump ta fortaleciendo e restriccion pa nacionalnan di exterior - lo ofrece un victoria simbolico na Milei, un persona cu a describi su mes como “anarcho-capitalista” y cu a dreña na mando como un ultra derechista cu ta imita Trump su punto di bista ‘war-on-woke’ y uso cu habilidad di rednan social.

Milei ta enfoca riba fortalece Sur America su di dos economia mas grandi despues di varios aña den turbulencia bao di e mando ultra-iskierdista y populista. Via recorten den presupuesto y despironan masal, Milei a logra baha Argentina su inflacion.

E ultimo biaha cu Argentinonan no tabatin mester di visa pa dreña Merca tabata den 1990 bao otro devoto di mercado liber, e ex presidente Carlos Menem.

Menem su reformanan Neoliberal y decision di pone peso 1-na-1 cu dollar Mericano a destrui Argentina su industria, empeorando pobresa den loke un siglo atras tabata un di e pais mas rico na mundo.

Den e crisis cu a bin despues di esaki, Merca a bolbe impone restriccion di visa den 2002 ora cu Argentinonan hoben tabata busca manera di huy for di e miseria na embahadan European y a cuminsa migra di manera ilegal pa Merca.

E presidencia Argentino a describi dialuna su acuerdo preliminar como “un demostracion cla di e relacion excelente” entre Milei y Trump.

Limite pisa contra biahe na Trump su Merca

Mas di 40 pais - mas tanto paisnan Europeo y Asiatico di hopi recurso - ta pertenece na e club exclusivo cu ta permiti su ciudananon dreña Merca sin un visa pa te hasta 3 luna. Sinembargo, oficialnan na e

frontera tin e poder di nenga entrada na ken cu ta.

Alrededor di 20 milyon turista ta usa e programa aki cada aña. Actualmente, Chile ta e unico pais latinoamericano den e programa.

Biahe for di exterior pa Merca a cay durante e prome dianan di Truump su regeso na e Cas Blanco mientras turistanan, specialmente di latinoamerica, tabatin miedo di ser gara den e administracion su accion na e frontera. Algun a cancela planan di biahe pa manifestacion contra e politica y punto di bista anti-inmigrante.

Sinebargo e cifranan aki a bolbe recupera den april, cu mas di 3 milyon yegada internacional - un aumento di 8% compara cu un aña pasa - for di paisnan cu no ta Mexico of Canada. Segun International Trade Administration, un agencia bao di Merca su Department of Commerce.

Ademas di accion na e frontera sur, Trump a agrega obstaculo adicional pa estudiante, turista y otronan cu kier biaha bay Merca.

E proposicion recientemente aproba, “big, beautiful” di prioridad domestico ta haci yamado pa implementa un tarifa nobo di “integridad di visa” di 250 dollar cu lo cobra adicionalmente na e costo di e visa mes.

Ehecutivonan den e industria di biahe a expresa preocupacion cu e tarifa aki por aleha turistanan cu ta contribui mas di 2 triyon dollar anualmente y 9 milyon trabao na Merca su economia, segun International Trade Administration.

Alrededor di un kwart di tur biahero na Merca ta for di latinoamerica y Caribe, segun e agencia.

Yeganan di Argentina a aumenta cu 25% e aña aki - un aumento mas grandi compara cu cualkier otro pais.





Den feliz memoria di Renita Blindeling-Hickinson

Nos colega Renita a traha cu curason pa Hospital pa 22 aña como Manager Maternity & Obstetrics.

Renita tabata un persona sumamente trankilo cu hopi pasenshi. Ken cu tabatin mester di dje, Renita tabatey pa scucha y brinda palabra di consuelo. Su forma di anda cu su coleganan ta di admira y sigur un inspiracion pa tur cu a conoce Renita.

Na trabou, Renita a demostra su dedicacion constantemente. Su entrega, pasenshi y esfuerso lo keda presente pa semper.

Ken por lubida su bolonan cu un sabor exotico y decoracion unico cu tabata lagabo cu gana pa mas. Y fin di aña sigur e bolo dushi di pruin cu nunca por a falta.

Hunta di Directiva, team di Maternity & Obstetrics, staf y personal completo di HOH ta desea su casa, famia y amigonan hopi forza den e momento dificil aki.

Renita nos lo haya bo falta sigur, pero bo legado lo keda pa semper den nos curason.

